

甲乙集目錄

餘杭羅隱昭諫

第一卷

曲江春感 皇陂

寄鄭補闕 牡丹花

黃河 汴河

西京崇德里居 投所思

經張舍人舊居 維城作

陪曹使君遊 秋日寄曹使君

送章碣赴舉 寄楊秘書



金庭勝事見示

竇尚書

曾逐

雪

暇日寄曹使君

寄右省王諫議

焚書坑

始皇陵

送沈先輩

春日葉秀才曲江

西京道德里

憶夏口

武牢關

途中獻孟中丞

長安秋夜

春晚寄鍾尚書

秋晚寄友人

秋日有酬

所思

送魏校書

四皓廟

浮雲

早發

香

鄴城

第二卷

七夕

送臧漬下第

清明日曲江懷友

送鄭州嚴負外

孫負外赴闕

衡陽泊木居士廟

鍾陵見楊秀才

登孫權城

寄盧校書

賀盧負外賜緋

春日獨遊禪智寺

和淮南李司空同轉

運負外

后土廟

金陵夜泊

上江州陳負外

廣陵開元寺作

上鄂州韋尚書

早春巴陵道中

酬臧漬見寄

送李司空朝覲

見裴郎中題名

憶池陽有寄

題岳麓寺僧舍

出試後投所知

湘南春日懷古

江州望廬山

金陵寄竇尚書

清溪江令公宅

鄭州獻盧舍人

別池陽所居

送內使周大夫

酬黃從事見寄

繡

西施

自遣

白角篋

銅雀臺

鸚鵡

金錢花

梅

第三卷

錢尚父生日

寄前戶部陸郎中

登瓦棺寺閣

費徵君所居

途中寄懷

京口見李侍郎

秋日酬張特玄

登高詠菊

登夏州城樓

水邊偶題

傷洛陽公

杜陵秋思

過江陵感事

夜泊毗陵無錫縣

桃花

籌筆驛

過故兵部李侍郎

商驛樓東望有感

寄南城韋逸人

梅花

高駢所造迎仙樓

和禪月大師見贈

謁文宣王廟

代文宣王答

重送朗州張員外

秋夜讀常修三篇

逼試投所知

漢江上作

秋夜寄進士顧榮

寄渭北徐從事

徐寇南逼感事

寄三衢孫員外

送盧端公歸臺

煬帝陵

馬嵬坡

柳

隋堤柳

孟浩然墓

秦紀

仙掌

第四卷

詠月

宿荊州江陵館

撫州別阮兵曹

新安投所知

江邊有寄

送友人歸夷門

湘中見進士喬誦  
上雲川裴郎中

錢塘江潮  
送友人赴職任褒中

臨川投穆中丞  
早春送張坤

東歸途中作  
送臧漬歸池州

湘中贈范郎  
寄張侍郎

渚宮秋思  
閑居早秋

建康  
送傅少府

經故洛陽城  
夏州胡常侍

寄進士盧休  
贈先輩令狐補闕

送秦州從事  
裴郎中赴闕

秋日寄裴郎中  
西塞山

秋日客舍酬友人  
東歸

李僕射  
哭孫負外

篋中得王郎中書  
淚

子規  
姑蘇臺

王濬墓  
京中晚望

寄竇澤處士二首

第五卷

秋風生桂枝  
思故人

寄陸龜蒙  
題方干詩

秋江

寄知制誥李舍人

秋日懷孟夷庚

送李右丞分司

郴江遷客

感舊

鷹

秋日寄狄補闕

寄易定公乘億

寄大理徐郎中

寄蘇拾遺

寄許融

寄禮部鄭員外

菊

臺城

舊遊

寄處州薛大夫

蘇小小墓

寒食日早春城東

秋日懷賈隨進士

亂後逢友人

殘花

秋日富春江行

寄侯博士

送沈光侍御

寄袁皓侍郎

寄金吾李荪常侍

與于蘊玉話別

封禪寺居

錢

投寄韋右丞

紅葉

期徐道者不至

歲除夜

雪

旅夢

秋寄張坤

傷華髮

九江早秋

初秋寄友人

秋居有寄

雪霽

堠子

初夏寄顧紹宗

寄第五尊師

寄西華黃鍊師

所思

第六卷

送蕭中丞赴闕

送人歸湘中

自貽

暇日感懷寄吳蛭

偶興

題鑿石山僧院

圍城偶作

烏程

送楊鍊師

暇日投錢尚父

覽齊史

感別元師尚父

尚父建小樓三首

題玄同先生草堂三

首

城西作

冬暮城西晚眺

秋霽後

茅齋

使者

途中逢劉知遠

遁跡

隴頭水

秦中富人

思歸行

即事中元甲子

魏城逢故人

游江夏口

春思

黃鶴驛寓題

安陸贈徐礪

寄鍾常侍

中秋夜不見月

羅令公附卷有迴

寄處默師

病中上錢尚父

第七卷

送梅處士歸寧國

經故友所居

大梁從事居汜水

杜處士新居

絕境

雪中懷友人

秋晚

昇遷橋

姑蘇真娘墓

靈山寺

倚櫂

秋夕對月

寄徵士魏負外

宿彭蠡館

螢

早秋宿葉隋所居

蜨

春居

輕颺

鷺

陝西晚思

除夜寄張達

寄羅令五首

投錢塘元帥尚父二

野狐泉

錢塘府亭

贈無相禪師

宿紀南驛

江夏酬高崇節

遣興

鷺聲



放玉臺體

第八卷

戲呈義興邑宰

聽琵琶

經杜工部墓

題張逸人所居

昇平公主舊第

寄黔中王從事

關亭春望

寄徐濟進士

寄韋贍

雪溪晚泊寄裴庶子

送姚安之赴任

寄喬逸人

塞外

裴庶子除太僕卿

詠史

中元夜泊淮口

寄池州鄭員外

歸夢

送溪州使君

送雪川鄭員外

酬寄右司李員外

蓮塘驛

甘露寺火後

春日登石頭故城

送宣武徐巡官

冬暮寄裴郎中

駕幸蜀四首

題潤州妙善前石羊

寄竇常侍

臺城

看雪上周相公

寄陸郎中昆仲

偶題

故都

董仲舒

獻尚父大王

蜂

簾二首

第九卷

送顧雲下第

村橋

送劉校書

官池秋夕

奉使宛陵

金陵思古

送王使君赴蘇臺

憶九華

送裴饒歸會稽

送程尊師之晉陵

寄句曲道友

貴池曉望

寄崔慶孫

寄楊秘書

酬章處士見寄

送丁明府赴任

寄前宣州竇常侍

秦望山僧院

送光祿崔卿赴闕

寄程尊師

定遠樓

送程尊師東遊

江亭別裴饒

江南寄周僕射

錢塘見芮逢

江都

歲暮感懷寄友人

送張綰游鍾陵

送晉光大師

息大人廟

漂母塚

感懷

扇上畫牡丹

書懷

七夕

柳

羅敷水

正月七日立春

貴游

嚴陵灘

第十卷

牡丹

縣齋秋晚酬友人

第五將軍入道

寄無相禪師

秋日有寄

送前南昌崔令

下第作

丁亥歲作

北邙山

三衢哭孫負外

送蘄州裴負外

重九日廣陵道中

東歸別所知

旅舍書懷寄所知二

首

西京道中

粉

贈漁翁

下第寄張坤

東歸別常修

言

簡令生日

晚眺

野花

病驄馬

狄浦

南康道中

北固亭東望寄默師

華清宮

韓信廟

韋公子

望恩臺

帝幸蜀

王夷甫

鷺鳥鵠

書淮陰侯傳

青山廟

小松

竹

漫天嶺

甲乙集目錄

丙辰三月初九日校延令鈔本補詩七首鈔附表尾此刻  
所有而鈔本無之者四首大畧公事居化水泉菴水色早行  
咏白菊也前浚福山集計八日人事作較不常兼以故鄉  
火警耗獨問意緒惘然何心銘書擲身為之恨不已增相

甲乙集卷第一

餘杭羅隱昭諫

曲江春感

江頭日暖花又開江東行客心悠哉高陽酒徒  
半彫落終南山色空崔嵬聖代也知無棄物侯  
門未必用非才一船明月一竿竹家住五湖歸  
去來

皇陂

皇陂激濼深復深陂西下馬聊登臨垂楊風輕  
弄翠帶鯉魚日暖跳黃金三月窮途無勝事十

年流水見歸心輸他谷口鄭夫子偷得閑名義  
至今

寄鄭補闕

夫子門前數仞牆每經過處憶遊梁路從青瑣  
無因見恩在丹心不可忘未必便爲讒口隔只  
應一作貪草諫書忙別來愁悴知多少兩度槐花  
馬上黃

牡丹花

似共東風別有因絳羅高卷不勝春若教解語  
應傾國任是無情亦動人芍藥與君爲近侍芙  
蓉何處避芳塵可憐韓令功成後辜負穠華過  
此身

黃河

莫把阿膠向此傾此中天意固難明解通銀漢  
應須曲纜出崑崙便不清高祖誓功衣帶小仙  
人占斗客槎輕三千年後知誰在何必勞君報  
太平

汴河

當時天子是閑遊今日行人特地愁柳色縱饒  
粧故國水聲何忍到揚州乾坤有意終難會黎

庶無情豈自由應笑秦皇用心錯謾驅神鬼海  
東頭

西京崇德里居

進乏梯媒退又難強隨豪貴帶長安風從昨夜  
吹銀漢淚擬何門落玉盤拋擲紅塵應有恨思  
量仙桂也無端錦鱗頰尾平生事却被閑人把  
釣竿

投所思

顛顛長安何所爲旅魂窮命自相疑滿川碧嶂  
無歸日一榻紅塵有淚時雕琢只應勞郢匠膏

盲終恐誤秦醫浮生七十今三十從此悽惶未  
可知

經張舍人舊居

行塵不是昔時塵謾向朱門憶侍臣一榻已無  
開眼處九泉應有愛才人文餘吐鳳他年詔樹  
想棲鸞舊日春從此恩深轉難報夕陽衰草淚  
沾巾

維城作

大鹵旌旗出洛濱此中煙月已埃塵更無樓閣  
尋行處只有山川識野人早得鑄金誇范蠡旋

聞垂釣哭平津舊遊難得時難遇迴回首空城百  
草春

姑蘇城南湖陪曹使君遊

水蓼花紅稻穗黃使君蘭棹汎迴塘倚風荇藻  
先開路迎旆鳧鷖盡著行手裏兵符神與術罾  
閒金印綵爲囊少年太守勲庸盛應笑燕臺兩  
鬢霜

秋日有寄姑蘇曹使君

多病無因懼小舟闔閭城下謁名侯水寒不見  
雙魚信風便唯聞五袴謳早說用兵長暗合近

傳觀稼亦閑遊須知謝奕依前醉閒阻清談又  
一秋

送章碣赴舉

莘鹿歌中別酒催粉闈星彩動昭回久經羅亂  
心應破乍覩昇平眼漸開顧我昔年悲玉石憐  
君今日蘊風雷龍門盛事無因見費盡黃金老  
隗臺

寄楊祕書

湖水平來見鯉魚偶因烹處得瓊琚披尋藻思  
千重後吟想冰光萬里餘漳浦病來情轉薄赤

城吟苦意何如錦衣公子憐君在十載兵戈從  
板輿

往年進士趙能卿嘗話金庭勝事見示  
叙

會稽詩客趙能卿往歲相逢話石城正恨故人  
無上壽喜聞良宰有高情山朝佐命層層聳水  
接飛流步步清兩火一刀懼亂後會須乘興雪  
中行

得宣州竇尚書書因投寄二首

雙魚迢遞到江濱傷感南陵舊主人萬里朝臺

勞寄夢十年侯國阻趨塵尋知亂後嘗辭祿共  
喜閑來得養神時見齊山敬亭客不堪戎馬戰  
征頻

曾逐

曾逐旌旗過板橋世途多難竟蓬飄步兵校尉  
辭公府車騎將軍憶本朝醉裏舊遊還歷歷病  
中衰鬢奈蕭蕭遺簪隨履應留念門客如今只  
下僚

雪

細玉羅紋下碧霄杜門顏巷落偏饒巢居只恐



高柯折旅客愁聞去路遙  
擻凍野蔬和粉重  
埽庭松葉帶翻燒  
寒窻呵筆尋詩句  
一片飛來紙上銷

暇日有寄姑蘇曹使君兼呈張郎中郡中賓僚

嘉植陰陰覆劍池  
此中能政動神祇  
湖邊觀稼雨迎馬  
城外犒軍風滿旗  
融酒徒誇無筭爵  
儉蓮還少最高枝  
珊瑚筆架真珠履  
曾和陳王幾首詩

寄右省王諫議

耳邊要靜不得靜  
心裏欲閑終未閑  
自是宿緣應有累  
可能時一作世事更相關  
魚慙張翰辭東府  
鶴怨周顛負北山  
看却金庭芝朮老  
又驅車入七人班

焚書坑

千載遺蹤一窖塵  
路傍耕者亦傷神  
祖龍筭事渾乖角  
將謂詩書活得人

始皇陵

荒堆無草樹無枝  
嬾向行人問昔時  
六國英雄漫多事  
到頭徐福是男兒

送沈先輩歸送一作東歸兼送上嘉禮

青青月一作仙桂觸人香白苧衫輕稱沈郎好繼馬

卿歸故里況聞山簡在襄陽盃傾別岸應須醉

花傍征車漸欲芳擬把金錢贈嘉禮不堪栖屑

困名場

春日葉秀才曲江

江花江草暖相偎一作也向江邊把酒盃春色惱

人遮不得別愁如瘡避還來安排賤跡無良策

裨補明時望重才一曲吳歌齊拍手十年塵眼

未曾開

西京道德里

秦樹團團夕結陰此中莊鳥動悲吟一枝丹桂

未入手萬里蒼波長負心老去漸知時態薄愁

來唯願酒盃深七雄三傑今何在休為閑人淚

滿襟

憶夏口

漢陽渡口蘭為舟漢陽城下多酒樓當年不得

盡一醉別夢有時還重遊襟帶可憐吞楚瘴

風煙好疑神一作疑江鷗月明更想曾行處吹笛橋

邊木葉秋

武牢關

楚人曾此限封疆不見清陰六里長一壑暮聲  
何怨望數峯秋勢力自顛狂由來四皓須神伏大  
抵秦皇謾氣強欲學雞鳴試關吏太平時節嬾  
思量

途中獻晉州孟中丞

太平天子念蒲東又委星郎養育功昨日隼旗  
辭闕下今朝珠履在河中樓移庾亮千山月樹  
待袁宏一扇風不及政成應入拜晉州何足展  
清通

長安秋夜

遠聞天子似羲皇偶捨漁鄉入帝鄉五等列侯  
無故舊一枝仙桂有風霜燈歌短焰燒離鬢漏  
轉寒更滴旅腸歸計未知身已老九衢雙闕夜  
蒼蒼

春晚寄鍾尚書

宰府初開忝末塵四年談笑隔通津官資肯便  
矜中路酒醖還應憶故人江畔舊遊秦望月檻  
前公事鏡湖春如今莫問西禪塢一炷寒香老  
病身

秋曉一作晚寄友人

洞庭霜落水雲秋又汎輕漣任去留世界高談  
今已得宦途清貴舊曾遊手中綵筆誇題鳳天  
上泥封獎狎鷗更見南來釣翁說醉吟還上木

蘭舟

為王師範贈羅鄴王紀事云鄴王能成學隱為詩青州王師範遣使齎  
秋且有酬江東集作感德叙懷鄴王詩云

舊業傳家有寶刀一作佩近聞餘力更揮毫腰間印

緜黃極一作全重卷裏詩裁白雪高讌罷嘉賓吟鳳藻

獵歸諸將問龍韜一作壇列士一作登壇纔三十猶擬

迴頭賭錦袍一作標

按紀事云求一篇無為贈字乃王自於詩非贈也後或改題誤矣別巨不令情事相異且詩之有力贈王矣

所思

梁王兔苑荆榛裏煬帝雞臺夢想中只覺惘然  
悲謝傅未知何以報文翁生靈不幸台星折造  
化無情世界空劃盡寒灰始堪歎滿庭霜葉一  
窻風

送魏校書兼呈曹使君

亂離無計駐生涯又事東遊惜歲華村店酒旗  
沽竹葉野橋梅雨泊蘆花雙言書發跡官雖屈負  
米安親路不賒應見使君論世舊掃門重得向  
曹家

四皓廟

漢惠秦皇事已聞  
廟前高木眼前雲  
楚王謾費關心力  
六里青山盡屬君

浮雲

溶溶曳曳自舒張  
不向蒼梧即帝鄉  
莫道無心便無事  
也曾愁殺楚襄王

早發

北去南來無定居  
此生計竟何如酷  
憐一覺平明睡長  
被雞聲惡破除

一作長被隣雞半夜啼

詠香

沈水良材食柏珍  
博山爐暖玉樓春  
憐君亦是無端物  
貪作馨香忘却身

鄴城

絕句作銅雀臺之二

臺上年年揜翠蛾  
臺前高樹夾漳河  
英雄亦到分香處  
能共常人較幾多

甲乙集卷第一

丙辰正月初二日

甲乙集卷第二

餘杭羅

隱昭諫

七夕

絡角星河菡萏天一家懽笑設紅筵應傾謝女  
珠璣篋盡寫檀郎錦繡篇香帳簇成排窈窕金  
鍼穿罷拜嬋娟銅壺漏報天將曉惆悵佳期一作人  
又一年

送臧漬下第謁竇鄜州

賦得長楊不直錢却來京口看鶯遷也知絳灌  
輕才子好謁尤常醉少年萬里故鄉雲縹緲一

春生計淚瀾洑多情柱史應相問與話歸心正  
浩然

清明日曲江懷友

君與田蘇即舊遊我於交分亦綢繆二年隔絕  
黃泉下盡日悲涼曲水頭鷗鳥何能齊物理杏  
花疑欲伴人愁寡妻稚子應寒食遙望江陵一  
淚流

送鄭州嚴貞外

欲將刀筆潤王猷東去先分聖主憂滿扇好風  
吹鄭圃一車甘雨別皇州尚書磧冷鴻聲晚僕

射陂寒樹影秋從此文星在何處武牢關外庾  
公樓

孫貞外赴闕後重到三衢

遠山高樹思悠哉重倚危樓盡一盃謝守已隨  
徵詔入魯儒猶逐斷蓬來地寒謾憶移暄手時  
急衣須濟世才宣室夜闌如有問可能全忘未  
燃灰

衡陽泊木居士廟下作

鳥噪殘陽草滿庭此中枯木似人形只應神物  
長爲主未必浮槎即有靈八月風波飄不去四

時黍稷薦惟馨南朝庾信無因賦牢落祠前水  
氣腥

鍾陵見楊秀才

一作見進士楊尋

孺亭滕閣少踟躕三度南遊一事無祇覺流年  
如鳥逝不知何處有龍圖雲歸洪井枝柯斂水  
下漳江氣色麤靡賴得與君同此醉醒醒一作來愁被  
碾揶揄

自湘川東下立春泊

口阻風登孫權

城

吳門此去逾千里湘浦離來想數旬只見風師

錄字校初夏子云修

長占路不知青帝已行春危憐壞堞猶遮水狂  
愛寒梅欲傍人事往時移何足問且憑村酒暖  
精神

春日憶湖南舊遊寄盧校書

旅榜前年過洞庭曾提刀筆事甘寧毒筵離隔  
將軍幕朱履頻窺處士星校書自處士受命爾恩重匣中孤  
劍在夢餘江畔數峯青金貂見鵬嘉賓散回首  
昭丘一涕零

賀淮南節度盧負外賜緋

儉蓮高貴九霄聞粲粲朱衣降五雲驄馬蚤年



曾避路銀魚今日且從軍御題綵服垂天眷袍  
展花心透縠紋應笑當年老萊子鮮華都自降  
明君

春日獨遊禪智寺

遠樹連天水接空幾年行樂舊隋宮花開花謝

還

才調集  
作長

如此人去人來自不同鸞

才調集  
作楚

鳳調高

何處酒吳牛蹄健滿車風思量只合騰騰醉煮  
海平陳一夢中

和淮南李司空同轉運負外

層層高閣舊瀛洲此地須徵第一流丞相近年

榮倚望重才今日喜遨遊榮持健筆金黃貴恨  
咽離筵管吹秋誰繼伊臯送行句梁王詩好郢  
人愁

后土廟

四海兵戈尚未寧始於雲海學儀形九天玄女  
猶無聖后土夫人豈有靈一帶好雲侵鬢綠兩  
層危岫拂眉青韋郎年少知何在端坐思量太

白經

一作韋郎年少耽閒事  
案上休看太白經

金陵夜泊

冷煙輕霽

才調集  
作雨

傍衰叢此夕秦淮駐斷蓬棲鴈

遠驚沽酒火亂鷗高避落帆風地銷王氣波聲  
急山帶秋陰樹影空六代精靈人不見思量應  
在月明中

上江州陳負外

寒江九派轉城樓東下鍾陵第一州人自中

一作鍾

臺方貴盛地從西晉即風流舊班久望鷓晴翥  
餘力猶聞虎夜浮應恨屬官無健令異時佳節  
阻閑遊

橫陵開元寺閣上作

滿檻山川漾落暉檻前前事去如飛雲中雞犬

劉安過月裏笙歌煬帝歸江蹙海門帆散去地  
吞淮口樹相依紅樓翠幕知多少長向東風有  
是非

上鄂州韋尚書

往歲先皇馭九州侍臣才業最風流文窮典誥  
雖餘力俗致雍熙盡密謀蘭省換班青作綬柏  
臺前引絳爲韞都緣未負江山興開濟生靈拔  
一秋

早春巴陵道中

遠雪亭亭望未銷岳陽春淺似相饒短蘆冒土

初生筍高柳偷風已弄條波汎洞庭獺獺健谷  
連荆楚鬼神妖中流菱唱泊何處一隻畫船蘭  
作橈

廣陵秋日酬進士臧漬見寄

驛西斜日滿窻翰獨凭秋欄思渺綿數尺斷蓬  
慙故國一輪清鏡泣流年已知世事真徒爾縱  
有心期亦偶然空媿荀家好兄弟雁來魚去是  
因緣

淮南送李司空朝覲

聖君宵旰望時雍丹詔西來雨露濃宣父道高

一作  
聖君歌

休歎鳳武侯才大本吟龍九州似鼎終須負萬  
物為銅只待鎔臘後春前更何事便看經度奏  
東封

秋日禪智寺見裴郎中題名寄韋瞻

野寺疎鍾萬木秋偶尋題處認名侯官離南郡  
應閑暇地勝東山想駐留百醖濃醪成別夢兩  
行垂露澣羈愁心知只有韋公在更對真蹤話  
舊遊

廣陵春日憶池陽有寄

煙水濛濛接板橋數年經歷駐征橈醉凭危檻

波千頃愁倚長亭柳萬條別後故人冠獬豸病  
來知已賞鷓鴣清流夾宅千家住會待閑乘一  
信潮

春中湘中題岳麓寺僧舍

蟾宮虎穴兩皆休來凭危欄送遠愁一作多事林  
鷺還謾語薄情邊雁不迴頭春融只待乾坤醉  
水闊深知世界浮欲共高僧話心迹野花芳草  
奈相尤

出試後投所知

此日蓬壺兩日程當時消息甚分明桃須曼倩

催分熟橘待洪崖遣始行島外音書應有意眼  
前塵土漸無情莫交更似山西鼠齒破愁腸恨  
一生

湘南春日懷古

晴江春暖蘭蕙薰鳧鷖苒苒鷗著羣洛陽賈誼  
自無命少陵杜甫兼有文空闊遠帆遮落日蒼  
茫野樹礙歸雲松醪酒好昭潭靜閑過中流一  
弔君

江州望廬山

東南蒼翠何崔嵬橫流一望幽抱開影寒已令

水底去脚闊欲過湖心來深處不唯容鬼怪暗中兼恐有風雷仙人往往今誰在紅杏花香重首迴

金陵寄竇尚書

二年岐路有西東長憶優游楚驛中虎帳談高無客繼馬卿官傲少人同世危肯使依劉表山好猶能憶謝公此去此恩言不得謾將閑淚對春風

清溪江令公宅

蠻牋象管夜深時曾賦陳宮第一詩宴罷風流

人不見廢來蹤跡草輝庭鶯鶯憐勝事啼空巷蝶戀餘香舞好枝還有往年金甃井牧童樵叟等閑窺

鄭州獻盧舍人

時本官王令公收復兩京後

海槎閑暇閨風輕不是安流不肯行雞省露濃湯餅熟鳳池煙暖詔書成漁籌已合光儒夢堯印何妨且治兵會待兩都收復後右圖儀表左題名

別池陽所居

黃塵初起此留連火耨刀耕六七年雨夜老農

傷水旱雪晴漁父共舟船已悲世亂身須去肯  
愧途危跡屢遷却是九華山有意列行相送到  
江邊

送內使周大夫自杭州朝貢

八都上將近平戎便附輜軒奏聖聰三變駕前  
朝覲禮一函江表戰征功雲間閱聽何時見水  
底瑤池觸處通知有殿庭餘力在莫辭消息寄  
西風

酬黃從事懷舊見寄

舊遊不合到心中把得君詩意亦同水館酒闌

吳越朝貢中  
原曰海道  
故多白云

清夜月香街人散白楊風長繩繫日雖難絆辨  
口談天不易窮世事自隨蓬轉在思量何處是  
飛蓬

繡

一片絲羅

洞房西室女工勞花隨玉指

添春色鳥逐金鍼長羽毛蜀錦謾誇聲自貴越  
綾虛說價功高可中用作鴛鴦被紅葉枝枝不  
礙刀

西施

家國興亡自有時吳人何苦進一作怨西施西施若

解傾吳國越國亡來又是誰

自遣

得即高歌失即休多愁多恨亦悠悠今朝有酒  
今朝醉明日愁來明日愁

白角篔

白似瓊瑤滑似苔隨梳伴鏡拂塵埃莫言此箇  
尖頭物幾度撩人惡髮來

銅雀臺

強歌強舞竟難勝花落花開淚滿纓祗合當年  
伴君死免交憔悴望西陵

鸚鵡

莫恨雕籠翠羽殘江南地暖隴西寒勸君不用  
分明語語得分明出轉難

金錢花

占得佳名繞樹芳依依相伴向秋光若交此物  
堪收貯應被豪門盡劖將

梅

天賜胭脂一抹腮盤中磊落笛中哀雖然未得  
和羹便曾與將軍止渴來

甲乙集卷第二

甲乙集卷第三

餘杭羅隱昭諫

錢尚父生日

大昴分光降斗牛興唐宗社作諸侯伊夔事業  
扶千載韓白機謀冠九州貴盛上持龍節鉞延  
長應續鶴春秋錦衣玉食將何報一作補更俟莊椿  
一舉頭

寄前戶部陸郎中

出馴桑雉入朝簪蕭灑清名映士林近日篇章  
欺白雪早年詞賦得黃金桂堂縱道探龍頷蘭



省何曾駐鶴心離亂事多人不會酒濃花暖且  
閑吟

登瓦棺寺閣

下盤空跡上雲浮偶逐僧行步步愁暫憩已知  
須用意漸來爭忍不回頭煙鐘樹老重江晚鐸  
外風輕四境秋嬾指臺城更東望鵲飛龍鬪盡  
荒丘

九華山費徵君所居

草堂何處試徘徊見說遺蹤向此開蟾桂自歸  
一作三徑後鶴書曾降九天來白雲事跡依前在

青瑣光陰竟不迴盡夕為君思曩日野泉嗚咽  
路莓苔

途中寄懷

不知何處是前程合眼騰騰信馬行兩鬢已衰  
時未遇一作與數峯雖在病相櫻塵埃鞞洛虛光景  
詩酒江湖漫姓名試哭軍門看誰問舊來還似  
禰先生

京口見李侍郎

傴僂江柳欲矜春鐵甕城邊見故人屈指不堪  
言甲子披風常記是庚申別來且喜身俱健亂

後休悲業盡貧還有杖頭沽酒物待尋山寺話  
逡巡

秋日酬張特立

病寄南徐兩瘦秋故人依約亦揚州偶因雁足  
思閑事擬棹孤舟訪舊遊風急幾聞江上笛月  
高誰共酒家樓平生生意氣消磨盡甘露軒前看  
水流

登高詠菊盡

晁李山甫集

籬畔霜前偶得存苦教遲晚避蘭蓀能銷造化  
幾多力不受陽和一點恩生處豈容依玉砌要

時還許上金樽陶公沒後無知己露滴幽叢見  
淚痕

登夏州城樓

寒聲獵獵戍旗風獨倚危欄悵望中萬里山河

才調集  
作出

唐土地千年魂魄晉英雄離心不忍聽邊

馬往事應須問塞鴻好脫儒冠從拔尉一枝長  
戟六鈞弓

水邊偶題

野水無情去不回水邊花好爲誰開只知事逐  
眼前去不覺老從頭上來窮似丘軻休歎息達

如周召亦塵埃思量此理何人會蒙色先生最  
有才

故洛陽公鎮大梁時隱得遊  
下今之

經歷事往人非聊抒所懷以傷以謝

孤舟欲泊思何窮曾憶西來值雪中珠履少年  
初滿座白衣遊子也從公狂拋賦筆瑠璃冷醉  
倚歌筵瑋瑁紅今日斯文向誰說淚碑棠樹兩  
成空

杜陵秋思

南望商於北帝都兩堪棲託兩無圖只聞斥逐

張公子不覺悲同楚大夫巖畔早涼生紫桂井  
邊疎影落高梧一杯淥酒他年憶瀝向清波寄  
五湖

隱嘗在江陵忝故中令白公叨蒙知遇  
今復重過渚宮感事悲身遂成長句

往歲鄩侯鎮渚宮曾將清律暖孤蓬才憐曼倩  
三冬後執許由基一箭中言重不能輕薄命地  
寒終是立春風鳳凰也澹台星拆迴首岐山憶  
至公

夜泊毘陵無錫縣有寄

草蟲幽咽樹初團獨繫孤舟夜已闌濁浪勢奔  
吳苑急疎鍾聲徹惠山寒愁催鬢髮凋何易貧  
戀家鄉別漸難他日親朋應大笑始知書劍是  
無端

桃花

暖觸衣襟漠漠香閒梅遮柳不勝芳數枝豔拂  
文君酒半里紅歌宋玉牆盡日無人疑悵望有  
時經雨乍淒涼舊山山下還如此迴首東風一  
斷腸

籌筆驛

拋擲南楊為主憂北征東討盡良籌時來天地  
皆同力運去英雄不自由千里山河輕孺子兩  
朝冠劍恨譙周唯餘巖下多情水猶解年年傍  
驛流

重過隨州故兵部李侍郎恩知因抒長

句

一作周高論伯牙琴閑夜思量淚滿襟四海共

誰言近事九原從此負初心鷗翻漢浦風波急  
雁下鄖溪霧雨深慙愧蒼生還有意解歌襦袴  
至如今

自作桃花鼓吹作古  
花是

商驛樓東望有感

山川去接漢江東曾伴隋侯醉此中歌遶夜梁  
珠宛轉舞嬌春席雪朦朧棠遺善政陰猶在薤  
送哀聲事已空惆悵知音竟難得兩行清淚白  
楊風

寄南城韋逸人

杜甫詩中韋曲花至今無賴尚尚豪家美人曉折  
露沾袖公子醉時香滿車萬里丹青傳不得二  
年風雨恨無涯羨他南澗高眠客春去春來任  
物華

梅花

吳王醉處十餘里照野拂衣今正緜經雨不隨  
山鳥散倚風疑一作共路人言愁憐粉豔飄歌席  
靜愛寒香撲酒樽欲寄所思無好信為君惆  
悵又黃昏

淮南高駢所造迎仙樓

鸞音鶴信杳難迴鳳駕龍車早晚來仙境是誰  
知處所人閒空自造樓臺雲侵朱檻應難到蟲  
網閑窻永不開子細思量成底事露凝風擺作  
塵埃

和禪月大師見贈

高僧惠我七言詩頓豁塵心展白眉秀似谷中  
花媚日清如潭底月圓時應觀法界蓮千葉肯  
折人間桂一枝漂蕩秦吳十餘載因循猶恨識  
師遲

謁文宣王廟

晚來乘輿謁先師松柏淒淒人不知九仞蕭牆  
堆瓦礫三閒茅殿走狐狸兩淋狀似悲麟泣露  
滴還同歎鳳悲儻使小儒名麤立豈教吾道受  
栖遲

代文宣王答

三教之中儒最尊止戈爲武武爲文吾今尚自  
披蓑笠你等何須讀典墳釋氏寶樓侵碧漢道  
家宮殿拂青雲若教顏閔英靈在終不羞他李  
老君

重送闕州張員外

朱輪此去正春風且駐青雲一作聽斷蓬一榻早  
年容孺子雙旌今日別文翁誠知汲善心長在  
爭奈干時跡轉窮酬德酬恩兩無路謾勞惆悵  
鳳城東

廣陵秋夜讀進士常修三篇因題

入蜀歸吳三首詩藏於笥篋重於師劍關夜讀  
相如聽瓜步秋吟煬帝悲景物也知翰健筆時  
情誰不許高枝明年二月春風裏江島閑人慰  
所思

逼試投所知

桃在仙翁舊苑傷暖煙輕靄撲人香十年北地  
頻偷眼二月春風最斷腸曾恨夢中無好事也  
知囊裏有仙方尋思仙骨終難得始與回頭問  
玉皇

漢江上作

漢江波浪淥於落每到江邊病眼開半雨半風  
終日恨無名無跡幾時迴雲生岸谷秋陰合樹  
接帆檣晚思來對此空慙聖明代忍教纓上有  
塵埃

秋夜寄進士顧榮

秋河耿耿夜沈沈往事三更盡到心多病謾勞  
窺聖代薄才終是費知音家山夢後帆千尺塵  
土搔來髮一簔空羨良朋盡高價可憐東箭與  
南金

寄渭北徐從事

暖雲慵隋柳垂條驄馬徐郎過渭橋  
官秩舊參荀秘監罇罌今伴霍嫖姚  
科隨鵠箭頻曾中禮向侯弓以重招  
莫恨東風促行李不多時節却歸朝

徐寇南逼感事獻江南知己次韻

酒闌離思浩無窮西望維揚憶至公  
萬里飄零身未了一家知獎意曾同雲  
橫晉國塵應暗路轉吳江信不通  
今日便成盧子諒滿襟珠淚隨霜風

寄三衢孫負外

小敷文伯見何時南望三衢渴復飢  
天子未能崇典誥諸生徒欲戀旌旗  
風高綠野苗千頃露冷平樓酒滿卮  
盡是數旬陪奉處使君爭肯不相思

淮南送盧端公歸臺

鳳鸞勢逸九霄寬北去南來任羽翰  
朱紱兩叅王儉府繡衣三領杜林官  
道從上國曾匡濟才向牢盆始重難  
應笑張綱謾生事埋輪不得在長安



煬帝陵

入郭登橋出郭船紅樓日日柳年年君王忍把  
平陳業只博雷塘數畝田

馬嵬坡

佛屋前頭野草春貴妃輕骨此為塵從來絕色  
知難得不禱中原未是人

柳

灞岸晴來送別頻相偎相倚不勝春自家飛絮  
猶無定爭解垂絲絆路人

一作爭把長  
條絆得人

隋堤柳

夾路依依千里遥路人回首認隋朝春風未借

一作

宣華意猶費工夫長綠條

孟浩然墓

數步荒榛接舊蹊寒江漠漠草淒淒一作  
萋萋鹿門黃  
土無多少恰到書生塚便低

秦紀

長策東鞭極海隅鼉鼉奔走鬼神趨憐君未到  
沙丘日肯信人間有死無

仙掌

掌前流水駐無塵掌下軒車日日新謾向山頭

高舉手何曾招得路行人

甲乙集卷第三

*[Faint bleed-through text from the reverse side of the page]*

甲乙集卷第四

餘杭羅隱氣昭諫

中秋詠月

湖上風高動白蘋  
暫延清景此逡巡  
隔年<sub>一作</sub>遠<sub>一作</sub>為  
別成何事  
半夜相看似故人  
蟾向靜中矜爪距  
兔<sub>一作</sub>餵<sub>於</sub>明處  
弄精神  
嫦娥老大應惆悵  
倚泣蒼  
蒼桂一輪

宿荊州江陵驛

西遊象闕媿<sub>一作</sub>知音  
東下荆溪稱越吟  
風動芰荷香  
四散月明樓閣影  
相侵閑歌別枕  
千般夢

醉送征帆萬里心  
薜荔衣裳木蘭楫  
異時煙雨好追尋

撫州別阮兵曹

雪晴天外見諸峯  
幽軋行輪有去蹤  
內史宅邊今獨恨  
步兵厨畔舊相容  
十年別鬢疑朝鏡  
千里歸心著晚鍾  
若不他時更青眼  
未知誰肯薦臨邛

新安投所知

少年容易捨樵漁  
曾辱明公薦子虛  
漢殿夜寒時不食  
宋都風急命何疎  
雲埋野艇吟歸去  
草

沒山田賦遂初  
長劍一尋歌一奏  
此心爭肯爲鱸魚

江邊有寄

江邊舊業半彫殘  
每軫歸心即萬端  
狂折野梅山店暖  
醉醺村笛酒樓寒  
只言聖代謀身易  
爭奈貧儒得路難  
同病同憂更何事  
爲君提筆畫漁竿

送友人歸夷門

二年流落大梁城  
每送君歸即有情  
別路并來成底事  
舊遊言著似前生  
苑荒嬾認詞人會  
門

在空憐烈士名至竟男兒分應定不須惆悵谷  
中鷺

湘中見進士喬誦

一作詞

吳公臺下別經秋破城邊暫駐留一笑有情  
堪解夢數年無故不同遊雲牽楚思橫魚艇柳  
送鄉心入酒樓且酌松醪依舊醉誰能相見向  
春愁

上澧州裴郎中

貴提金印出咸秦瀟灑江城兩度春一派水清  
疑見膽數重山翠欲留人望崇早合歸黃閣詩

好何妨戀白蘋自是受恩心未足却垂雙翅羨  
吳均

錢塘江潮

怒聲洶洶勢悠悠羅刹江邊地欲浮漫道往來  
存大信也知反覆向平流任一作狂拋巨浸疑無底  
猛過西陵只有頭至竟朝昏誰主掌好騎鱸鯉  
問陽侯

送人赴職任褒中

物態時情難重陳夫君此去莫傷春男兒只要  
有知己才子何堪更問津萬轉江山通蜀國兩

行珠翠見褒人海棠花謝東風老應念京都共  
苦辛

臨川投穆中丞

試將生計問蓬根心委寒灰首戴盆翅弱未知  
三島路舌頑虛掉五侯門嘯煙白狔沉高木擣  
月清砧觸旅冤家在碧江歸不得十年漁艇長  
苔痕

早春送張坤歸大梁

英華作早春送大梁盧  
從事

蕭蕭羸馬正塵埃又送輶一作歸軒向吹臺別酒莫  
辭今夜醉故人知是幾時回泉經華岳猶應凍

花到梁園始合開為謝東門抱關吏不堪惆悵  
滿離杯

東歸途中作

松橋蒼黃覆釣磯早年生計近年違老知風月  
終堪恨貧覺家山不易歸別岸客帆和雁落晚  
程霜葉向人飛買臣嚴助精靈在應笑無成一  
布衣

送進士臧漬下第後歸池州

賦成無處換黃金却向春風動越吟天子愛才  
雖仄席諸生多病又沾襟柳攀灞岸狂遮袂水

憶池陽淥滿心珍重綵衣歸正好莫將閑事繫  
升沉

湘中贈范鄖

丹桂無心彼此諳二年疎嬾共江潭愁知酒醖  
終難捨老覺人情轉不堪雲外鷺鷥一作鷓鴣非故舊  
眼前膠漆是煙嵐勞歌一曲霜風暮擊折湘妃  
白玉簪

寄張侍郎

衰羸豈合話荊州爭奈思一作思多不自由無路重  
趨桓典馬有詩曾上仲宣樓塵銷別跡堪垂淚

樹拂他門嬾舉頭一種人間太平日獨教零落  
憶滄洲

渚宮秋思

楚城日暮煙靄深楚人駐馬還登臨襄王臺下  
水無賴神女廟前雲有心千載是非難重問一  
江風雨好閑吟欲招屈宋當時魄蘭敗荷枯不  
可尋

閑居早秋

槐杪清蟬煙雨餘蕭蕭涼葉墮衣裾噪槎烏散  
沉蒼嶺弄杵風高上碧虛百歲夢生悲蛺蝶一

朝香死泣芙蓉六宮誰買相如賦團扇恩情日  
日疎

建康

英華作臺城

潮平遠岸草侵沙東晉衰來最可嗟庾舅已能  
窺帝室王都一作還是預人家山寒老樹啼風曲  
泉暖枯骸動齒牙欲起九原看一遍秦淮聲急  
日西斜

送舒州宿松縣傅少府

江籬漠漠樹重重東過清淮到宿松縣好也知  
臨浣水官閑應得看瀟峯春生綠野吳歌怨雪

霽平郊楚酒濃留取餘杯待張翰明年歸棹一  
從容

經故洛陽城

敗垣危堞跡依稀試駐羸驂弔落暉跋扈以成  
梁冀在簡書難問杜喬歸由來世事須翻覆未  
必餘才解是非千載昆陽好功業與君門下作  
恩威

夏州胡常侍

百尺高臺勃勃州大刀長戟漢諸侯征鴻過盡  
邊雲闊戰馬閑來寒草秋國計已推肝膽許家

財不爲子孫謀仍聞隴蜀由多事深喜將軍未  
白頭

寄進士盧休

半年池口恨萍蓬今日思量已夢中遊子馬蹄  
難重到故人尊酒與誰同山橫翠後千重綠蠟  
想歌時一燼紅從此客程君不見麥秋梅雨遍  
江東

贈前輩令狐補闕高

中闕一作聲跡早薰然阻避鈞衡過十年碧海浪  
高終濟物蒼梧雲好已歸天花迎綵服離鷺谷

柳傷東風觸馬鞭應念淒涼洞庭客夜深雙淚  
憶漁船

送秦州從事

一枝何足解人愁拋却還隨定遠侯紫陌紅塵  
今別恨九衢雙闕夜同遊芳時易失勞行止良  
會難期且駐留若到邊庭有來使試批書尾話  
梁州

湖州裴郎中赴闕後投簡寄友生

錦帳郎官塞詔年汀洲曾駐木蘭船襴衡酒醒  
春瓶倒柳惲詩成海月圓歌聲遠山珠滴滴漏



催香燭淚連連使君入拜吾徒在宣室他時豈  
偶然

秋日泊平望驛寄太常裴郎中

蘋洲重到審難期迺倚郵亭憶往時北海罇中  
常有酒東陽樓上豈無詩地清每負生靈望官  
重方升禮樂司聞說江南舊歌曲至今猶自唱  
吳姬

西塞山

在武昌界孫吳  
以之為西界

吳塞當時指此山吳都亡後綠孱顏嶺梅乍暖  
殘妝恨沙鳥初晴小隊閑波闊魚龍應混雜僻

危援一作欬一作奔

在

歸頑會將一副寒蓑笠來與漁翁

作往還

秋日汴河客舍酬友人

梁宋追遊早歲同偶然違一作別事皆空年如流

水催何急道似危途動即窮醉舞且欣連夜月

狂吟還聚上樓風煩君更枉騷人句白鳳靈虵

滿袖中

東歸

仙桂高高似有神貂裘敝盡取無因難一作將白

髮期公道不覺丹枝屬別人雙闕往來慙請謁

五湖歸後恥交親，盈盤紫蟹千卮酒。添得臨岐  
淚滿巾。

廣陵李僕射借示近詩因投獻

朝論國計暮論兵，餘力猶隨鳳藻生。語繼盤盂  
拋俗格，氣兼河岳帶商聲。閑尋綺思千花麗，靜  
想高吟六義清。一作文柄已持堯典在，更堪回首  
問緣情。

重過三衢哭孫負外

爛柯山下忍重到，雙檜樓前日欲殘。華屋未移  
春照灼，故侯何在淚沆瀾。不唯濟物工夫大，長

憶容才尺度寬。一慟旁人莫相笑，知音衰盡路  
行難。

篋中得故王郎中書

鳳里前年別望郎，丁寧唯恐滯吳鄉。勸疎杯酒  
知妨事，乞與書題作裹糧。苹鹿未能移海曲，縣  
花尋已落河陽。九原自此無因見，反覆遺蹤淚  
萬行。

淚

逼臉橫頤咽復勻，也曾讒毀也傷神。自從魯國  
潛然後，不是奸人即婦人。

子規

銅梁路遠草青青此恨那堪枕上聽一種有冤  
猶可報不如銜石壘滄溟

姑蘇臺

讓高泰伯開基日賢見延陵復命時未會子孫  
因底事解崇臺榭為西施

王濬墓

男兒未必盡英雄但到時來即命通一作若使吳都  
猶一作王氣將軍何處立殊功

京中晚望

心如野鹿跡如萍謾向人間性一靈往事不知  
多少夢夜來和酒一時醒

寄竇澤處士二首

蘭亭醉客舊知聞欲問平安隔海雲不是金陵  
錢太尉世間誰肯更容身  
鼇背樓臺拂白榆此中槎客亦踟躕字在半山道士  
無仙骨却向人間作酒徒

甲乙集卷第四

丙辰正月初三日校

甲乙集卷第五

餘杭羅

隱昭諫

省試秋風生桂枝

涼吹從何起中宵景象清  
漫隨雲葉動高傍桂枝生  
漠漠看無際蕭蕭別有聲  
遠吹斜漢轉低拂白榆輕  
寥沈工夫大乾坤歲序更  
因悲遠一作未歸客長望一枝榮

思故人

故人不可見聊復拂鳴琴  
鵲遶風枝急螢藏露草深  
平生四方志此夜五湖心  
惆悵友朋盡洋

洋漫好音

寄陸龜蒙

李相公在淮南徵陸龜蒙詩

龍樓李丞相昔歲仰高文黃閣尋無主青山竟未焚夜船乘海月秋寺伴江雲却恐塵埃裏浮名點汚君

題方干詩

中間李建州夏汭偶同遊顧我論佳句推君最上流九霄無鶴板雙鬢老漁舟世難方如此何當浣旅愁

秋江

秋江待晚潮客思旆旌搖細雨翻蘆葉高風却柳條兵戈村落破飢儉虎狼驕吾土兼連此離魂望裏銷

寄制誥李舍人

梁王握豹韜雪裏見枚臯上客趨丹陛遊人歎二毛門閑知待詔星動想濡毫一首長楊賦應嫌索價高

秋日懷孟夷庚

秋日黃陂下孤舟憶共誰江山三楚分風雨二妃祠知已秦貂沒流年賈鵬悲中原正兵馬相

見是何時

送李右丞分司東城

分漕一作曹

得洛川讜議更昭然在

一作左

省曾批敕中

臺肯避權所悲時漸薄共賀道由全賣與清平

代相兼直幾錢

柳江遷客

不是逢清世何由見阜囊事雖危虎尾名勝洎

鵝行毒霧柳江闊愁雲楚驛長歸時有詩賦一

為弔沉湘

感舊

紀事云德受知於合孤  
因以詩四句作

劍佩孫弘閣戈鋌太舊營重言虛有位孤立竟  
無成丘壠笳簫咽池臺歲月平此恩何以報歸  
處是柴荆

鷹

越海霜天暮辭韜野草乾俊通司隸職嚴奉武

夫官眼惡藏鋒

一作鋒

在心麤逐物殫近來脂膩足

驅遣不妨難

秋日寄狄補闕

紅塵擾擾間立馬看南山謾道經年往何妨逐  
日閑病中霜葉赤愁裏鬢毛斑不為良知在驅

車已出關

寄易定公乘億侍郎

謝舞仍宮柳高竒世少雙侍中生不到園令死  
須降班秩通烏府罇壘奉碧幢昭王有餘烈試  
為禱迷邦

大理徐郎中

佐棘竟誰同因思證聖中事雖一作難忘顯報理合

有陰功官序詵枝老幽塵范甌空幾時潘好禮

重與話清風

寄蘇拾遺

拾遺許公之後今  
猶居關元中舊第

早歲長楊賦當年一作諫獵書格高時輩伏言數一作

宦情疎慷慨傳丹桂艱難保舊居退朝觀一作藥一作

草能望馬相如

寄許融

一作與于韶玉話別

多病仍疎拙唯君與我同帝鄉年共老江嶽業一作

俱空鷲冷辭華屋蠶涼恨曉鼓白雲高幾許全

屬採芝翁

寄禮部鄭貲外

樂鄰門風大裴王禮樂優班資冠雞舌人品歷  
龍頭夜直爐香細晴編疏草稠近聞潘散騎三

十二悲秋

菊

籬落歲云暮數枝聊自芳  
雪裁纖縠密金拆小苞  
香千載白衣酒一生青  
女霜春鼓莫輕薄  
彼此有行藏

臺城

水國春常在臺城夜未寒  
麗華承寵渥江令捧  
杯盤宴罷明堂爛詩成  
寶炬殘兵來吾有計  
金井玉构欄

舊遊

良時不復再漸老更難言  
遠水猶經眼高樓似  
斷菟依依宋玉宅歷歷  
長卿村今日空江畔相  
於只酒罇

寄處州薛大夫

祝融峯下別三載夢魂勞  
地轉南康重官兼亞  
相高海鵬終負日神馬  
背眠槽會得窺成績幽  
窻染兔毫

蘇小小墓

魂兮橋李城猶未有人  
畊好月當年事殘花觸  
處情向誰曾豔冶隨分  
得聲名應侍吳王宴蘭



甲乙卷五  
五  
橈暗送迎

寒食日早盡城東

青門欲曙天車馬已喧闐禁柳疎一作搖風雨一作細牆  
花拆露鮮悔誰誇麗景只是歎流年不得高飛  
便迴頭望紙鳶

秋日懷賈隨進士

邊寇日騷動故人音信稀長纓慙賈誼孤憤憶  
韓非曉匣魚腸冷春園鴨掌肥知君安未得聊  
且示忘機

亂後逢友人

滄海去未得倚舟聊問津生靈寇盜盡方鎮改  
更貧一作頽夢裏舊行處眼前新貴人從來事如此  
君莫獨沾巾

殘花

已歎良時晚仍悲別酒催暖芳隨日薄輕片逐  
風迴黛斂愁歌扇粧殘泣鏡臺緜陰莫矜銜終  
是共塵埃

秋日富春江行

遠岸平如翦澄江靜似鋪紫鱗仙客馭金顙李  
衡奴冷疊羣山闊清涵萬象殊嚴陵亦高見歸

卧是良圖

寄侯博士

規諫楊雄賦  
逶迤賈誼官  
久貧還往少  
孤立轉遷難  
清鏡流年急  
高槐旅舍寒  
侏儒亦何有  
飽食向長安

送沈光侍御赴職閩中

未至應居右  
全家出帝鄉  
禮優逢苑雪  
官重帶臺霜  
夜浦吳潮亂  
春灘建水狂  
延平有風雨  
從此是驕驤

寄袁皓侍郎

東臺失路岐  
榮辱事堪悲  
我寢牛衣敝  
君居象角危  
風塵慙上品  
才業愧明時  
千里芙蓉幕  
何由話所思

寄金吾李荪常侍

西班掌禁兵  
蘭錡最分明  
曉色嚴天仗  
春寒避火城  
安危雖已任  
韜畧即嘉聲  
請問何功德  
壺關寇始平

商於驛與于蘊玉話別

南朝徐庾流  
洛下憶同遊  
酒采閑坊菊  
山登遠寺樓  
相思勞寄夢  
偶別已經秋  
還被青青桂  
催

君不自由

封禪寺居

盛禮何由覩嘉名偶寄居周南太史淚蠻徼長  
卿書砌竹搖風直庭花泣露疎誰能賦秋興千  
里隔吾廬

錢

志士不敢道貯之成禍胎小人無事藝假爾作  
梯媒解釋愁腸結能分睡眠開朱門狼虎性一  
半逐君回

投寄韋右丞

一作舉明  
朝典教

赤壁徵文聘中臺拜却詵官資叅令僕曹署轄  
星辰幙被從誰起持綱自此新舉朝明典教封  
納詔書頻禁樹曾摘藻臺烏舊避塵便應酬倚  
注何處話窮鱗

紅葉

不奈荒城畔那堪晚照中野晴霜浥綠山冷雨  
催紅遊子灞陵道美人長信宮等閑居歲暮搖  
落意無窮

期徐道者不至

遼鶴虛空語冥鴻未易親偶然來即是必擬見

無因霜霰窮冬冷一作冷杯盤旅舍貧只應蘓子訓  
醉後嬾分身

歲除夜

官曆行將盡村醪強自傾厭寒思暖律畏老惜  
殘更歲月已如此寇戎猶未平兒童不諳事歌  
吹待天明

雪

盡道豐年瑞豐年事一作事若何長安有貧者爲瑞不  
宜多

旅夢

旅夢思遷次窮愁有歎嗟子鷺京口遠粳米會  
稽賒漏澀纔成滴燈寒不作花出門聊一望蟾  
桂向人斜

秋寄張坤

庭樹已黃落閉門俱寂寥未知棲託處空羨聖  
明朝酒醒鄉心闊雲晴客思遙吾徒自多感顏  
子只篔簹

傷華髮

舊國迢迢遠清秋種種新已衰曾軫慮初見忽  
沾巾日薄梳兼嬾根危鑷恐頻青銅不自見只

擬老他人

九江早秋

雨過晚涼生樓中枕簟清海風吹亂木巖磬落  
孤城百歲幾多日四蹄無限程一作塵西鄰莫高唱  
俱是別離情

初秋寄友人

九華曾屏跡罹亂與心違是處堪終老新秋又  
未歸病中芳草歇愁裏白雲飛樵侶兼同志音  
書近亦稀

秋居有寄

端居湖岸東生計有無中魘處千般鬼寒時百  
種風性靈從道拙心事奈成空多謝金臺客何  
當一笑同

雪霽

南山雪乍晴寒氣轉崢嶸鎖却閑門出隨他駿  
馬行一竿如有計五鼎豈須烹愁見天街草青  
青又欲生

堠子

終日路岐匆前程亦可量未能慙面黑只是恨  
頭方雅旨逾千里高文近兩行君知不識字第

一莫形相

初夏寄顧紹宗

江上偶分袂四回寒暑更青山無路入白髮滿  
頭生郢浦雁尋過鏡湖蟬又鳴憐君未歸日杯  
酒若為情

寄第五尊師

茗溪煙月久因循野鶴衣裘獨蠶綸只說泊船  
無定處不知攜手是何人朱黃棟日囚尸鬼青  
白臨時注腦神欲訪先生問經訣世間難得一作  
自由身

寄西華黃鍊師

西華有路入中華依約山川認永嘉羽客昔時  
留篠簜故人今又種煙霞壇高已降三清鶴海  
近應通八月槎盛事兩般君總得老萊衣服戴  
顛家

所思

西上青雲未有期東浮滄海一作何遲酒闌夢  
覺不稱意花落月明空所思長恐病侵多事日  
可堪貧過少年時鬪雞走狗五陵道惆悵輸他  
輕薄兒

甲乙集卷第五 丙辰三月初三日再竟此卷

甲乙集卷第六

餘杭羅隱昭諫

送支使蕭中丞赴闕

八年刀筆別京華歸去青冥路未賒今日風流  
卿相客舊時基業帝王家彤庭彩鳳雖添瑞望  
府紅蓮已減花從此常僚如有問海邊麋鹿斗  
邊槎

送人歸湘中兼寄舊知

青溪煙雨九華山亂後應同夢寐間萬里分飛  
休掩袂兩旬相見且開顏君依宰相貂蟬貴我

戀王門鬢髮斑爲謝伏波筵上客幾時金印擬  
西還

自貽

衰老應難更進趨藥畦經卷自朝晡縱無顯效  
亦藏拙若有所成甘守株漢武巡遊虛軋軋秦  
皇吞併謾驅驅如何只見丁家鶴依舊遼東歎  
綠蕪

暇日感懷因寄同院吳蛻拾遺

鐸池清秩訪燕臺曾捧瀛洲札翰來今日二難  
俱大夜當時三幅謾高才戲悲槐市便便笥狂

憶樟亭滿滿杯猶幸小蘭同舍在每因相見即  
銜哀

偶興

逐隊隨行二十春曲江池畔避車塵如今贏得  
將衰老閑看人間得意人

題鑿石山僧院

日夜潮聲送是非一迴登眺一忘機憐師好事  
無人見不把蘭芽染褐衣

圍城偶作

東望陳留日欲曛每因刀筆想夫君自從郭泰



碑銘後只見黃金不見文

烏程

兩府攀陪十五年郡中甘雨幕中蓮一鉞猶是  
烏程酒須對霜風瘦一作泫然

送楊鍊師却歸真浩巖

宦途不復更經營歸去東南任意行別後幾回  
思會面到來相見似前生久居竹蓋知勤苦舊  
業蓮峯想變更爲謝佯狂吳道士耳中時有鐵  
船聲

暇日投錢尚父

牛斗星邊女宿間棟梁虛敞麗江關望高漢相  
東西閣名重淮王大小山醴設鬪傾金鑿落馬  
歸爭撼玉連環自慙麋鹿無能事未報深恩鬢  
已斑

覽齊史

張翰思吳中鱸膾蓴羹

齊王僚屬好男兒偶覓東歸便得歸滿目路岐  
拋似夢一船風雨去如飛盤散紫線蓴初熟筋  
撥紅絲膾正肥惆悵途中無限事與君千載兩  
忘機

臧別无繇尚父二首

玉函瑤檢下台司記得當時捧領時半壁龍虵  
蟠造化滿筐山岳動神祇疲牛舐犢心猶切陰  
鶴鳴雛力已衰稚子不才身抱疾日窺真一作真跡  
淚雙垂

尚父偶建小樓特摘麗藻絕句不敢稱  
揚三首

結構叨馮柱石才敢期旌蓋此裴裒陽春曲調

高難一作難和盡日焚香倚隗臺

璫簪珠履愧非才時凭闌干首重迴只待淮妖  
翦除後別傾卮酒賀行臺

闌檻初成愧楚才不知星彩尚迂迴風流孔令  
陶鈞外猶記山妖逼小臺

題玄同先生草堂三首

杳杳諸天路蒼蒼大滌山景輿留不得毛節去  
應閑相府舊知己教門新啓關太平匡濟術流  
落在人間

先生訣行日曾奉數行書意密尋難會情深恨  
有餘石橋春暖後句漏藥成初珍重雲兼鶴從  
來不定居

常時憶討論歷歷事猶存酒向餘杭盡雲從大

滌昏往來無道侶歸去有台恩自此玄言絕長  
應閉洞門

城西作

從軍無一事終日揜空齋道薄交游少才疎進  
取乖野禽鳴聒耳庭草綠侵階幸自同樗櫟何  
妨愜所懷

冬暮城西晚眺

謬忝蓮華幕虛沾柏署官歎危長抱疾衰老不  
禁寒時事已日過世途行轉難千崖兼萬壑只  
向望中看

秋霽後

淨碧山光冷圓明露點勻渚蓮丹臉恨堤柳翠  
眉顰蟬已送行客雁應辭主人蠅蚊漸無況日  
晚自相親

茅齋

從事不從事養生非養生職爲尸祿本官是受  
恩名時態已相失歲華徒自驚西齋一卮酒衰  
老與誰傾

使者

使者銜中旨崎嶇萬里行人心猶未革天意似

難明四海霍光第六宮張奉營陪臣無以報西  
望不勝情

途中逢劉知遠

吳樹煙波裏巢由季孟間只言無事貴不道致  
身閑別渚蓮根斷歸心桂樹頑空勞鍾璞意塵  
世隔函關

遁跡

遁跡知安住沾襟欲奈何朝廷猶禮樂郡邑忍  
干戈華馬憑誰問塵自此多因思漢明帝中  
夜憶廉頗

隴頭水

借問隴頭水年年恨何事全疑嗚咽聲中有征  
人淚自古無長策況我非深智何計謝潺湲一  
宵空不寐

秦中富人

高高起華堂區區引流水糞土金玉珍猶嫌未  
奢侈陋巷滿蓬蒿誰知有顏子

思歸行

見于漬集

不耕南畝田為愛東堂桂身同樹上花一落又  
經歲交親益一作益相薄知己恩潛替日開十二門

自是無歸計

即事中元甲子

見韋莊浣花集

三秦流血已成川塞上黃雲戰馬閑只有羸兵  
填渭水終無奇事一作出商山田園已沒紅塵內

弟姪相逢白刃間惆悵翠華猶未返淚痕空滴

劍文斑

魏城逢故人

才調集作綿谷迴寄蔡氏昆仲

一年兩度錦江

才調集作城

遊前值東風後值秋芳草

有情皆礙馬好雲無處不遮樓山將別恨和心

斷水帶離聲入夢流今日因君試回首澹煙喬

木隔綿州

遊江夏口

醉別江東酒一杯往年曾此駐塵埃魚聽建業  
歌聲過水看瞿塘雪影來黃祖不能容賤客費  
禕終是負仙才平生膽氣平生恨今日江邊首  
懶迴

春思

蕩漾春風淥似波惹情搖恨去恹恹燕翻永日  
音聲好柳舞空城意緒多蜀國暖迴溪峽浪衛  
娘清轉過雲歌可憐戶外桃兼李仲蔚蓬蒿奈

爾何

黃鶴驛寓題

野雲芳草遶離鞭敢對青樓倚少年秋色未催  
榆塞雁人心先下洞庭船高歌酒市非狂者大  
嚼屠門亦偶然車馬同歸莫同恨古人頭白盡  
林泉

安陸贈徐礪

靈虵橋下水聲聲曾向橋邊話別情一榻偶依  
陳太守三年深憶禰先生塵欺鬢色非前事火  
熬蓬根有去程還把餘杯重相勸不堪秋色背

鄭城

寄鍾常侍

一從朱履步金臺藁苦冰寒奉上台峻節不由  
人學得遠途終是自將來風高漸展摩天翼幹  
聳方呈構厦材應笑樟亭舊同舍九州無驗滿  
爐灰

中秋夜不見月

陰雲薄暮上空虛此夕清光共破除一作只恐異時  
開霽後玉輪依舊養蟾蜍

魏博羅令公附卷有迴

寒門雖得在諸宗棲北巢南恨不同馬上固慙  
消髀肉幄中由一作猶羨愈頭風蹉跎歲月心仍切  
迢遞江山夢未通深荷吾宗有知己好將刀筆  
為英雄

寄處默師

甘露卷簾看雨脚樟亭倚柱望潮頭十年顧我  
醉中過兩地與師方外遊久隔兵戈常寄夢近  
無書信更堪憂香爐煙靄虎溪月終棹鐵船尋  
惠休

病中上錢尚父

左脚方行右臂攣每慙名跡污賓筵縱饒吳土  
容衰病爭奈燕臺費料錢藜杖已乾難更把竹  
輦雖在不堪懸深恩重德無言處迴首浮生淚  
泫然

甲乙集卷第六

萬然  
卷之不擿 馮以重斷無言 或區首彩生 飛  
容遠歸 屢奈燕臺費 料趁蘇林已 漳漢更叶  
式嘲古行 古習學 再謫各相 吾竟 蘇 翰 吳 工

甲乙集卷第七

餘 杭 羅 隱 昭 諫

送梅處士歸寧國

十五年前即別君 別時天下未紛紜 亂羅且喜  
身俱在存沒 那堪耳更聞 良會謾勞悲 曩跡舊  
交誰去弔 荒墳殷勤為 謝 逃名客 想望千秋嶺

上雲

瓊華觀  
經故友所居

槐花漠漠向人黃 此地追遊跡已荒 清論不知  
莊叟達死交 空歎趙岐忙 病來未忍言閑事 老



去唯知覓醉鄉日暮街東策羸馬一聲橫笛似  
山陽

大梁從事居汜水

江東集作贈盧從事

前年帝里望一作從行塵記得仙家第四人  
泉暖舊諳龍偃息露寒初見鶴精神  
歌聲上榻梁園晚夢遶殘鍾  
汜水春知有篋中編集在只應從此  
是經綸

杜處士新居

翠斂王孫草荒誅宋玉茅寇餘無故物  
時薄少深交迸筮篠一作深行逕  
飢雛出壞巢小園吾亦有

多病近來拋

絕境

絕境非身事流年但物華  
水梳落髮直風引蕙心斜  
凡客從題鳳膚音未勝蛙  
小船兼有槩始與問漁家

雪中懷友人

臘酒復臘雪故人今越鄉  
所思誰把醜端坐恨無航  
兔苑舊遊盡龜臺仙路長  
未知籬孟子何以奉梁王

秋晚

宰邑慙良術爲文愧壯圖縱饒長委命爭奈漸  
非夫杯酒有時有亂羅無處無金庭在何城回  
首一踟躕

昇菴橋

危梁枕路岐駐馬問前時價自友朋得名因婦  
女知直須論運命不得逞文詞執戟君鄉里榮  
華竟若爲

姑蘇貞娘墓

春草荒墳墓萋萋向虎丘死猶嫌寂寞生不肯  
風流皎鏡山泉冷輕裾一作裙海霧秋還應伴西子

香逕夜深遊

靈山寺

晚景聊攄抱憑欄幾蕩菟檻虛從四海一作面江闊  
奈孤根幽徑薜蘿色小山苔蘚痕欲依師問道  
何處繫心猿

倚櫂

倚櫂聽鄰笛沾衣認酒壚自緣悲巨室誰覆爲  
窮途樹解將軍夢城遺御史烏直應齊始了傾  
酌向寒蕪

秋夕對月

夜月色可掬倚樓聊解顏未能分寇盜徒欲滿  
關山背冷金蟾滑毛寒玉兔頑姮娥謾偷一作藥丸  
長寡老中閒

寄徵士魏負外

家一作嘉遁蘇門節清貧粉署官不矜朝命重只恨  
路行難窻曉雞譚倦庭秋蜨夢闌羨君歸未得  
還有釣魚竿

宿彭蠡館

孤館少行旅解鞍增別愁遠山矜薄暮高柳怯  
清秋病裏見時態醉中思舊遊所懷今已矣何

必恨東流

螢

空庭一作秋夜未央點點一作的度西牆抱影何微細乘  
時忽發揚不思因腐草便擬倚孤光若道籠通  
輜車公業肯長

早秋宿葉隴所居

池荷葉正圓長曆報時殫曠野雲蒸熱空庭雨  
始寒蠅蚊猶得志簟席若爲安浮世知誰是勞  
歌共一懽

蜨

漢王刀筆精寫爾通天生舞巧何妨急飛高所  
恨輕野田黃雀慮山館主人情此物那堪作莊  
周夢不一作未成

春居

春風百卉搖舊國路迢迢偶病成疎散因貧得  
寂寥倚簾一作檐高柳弱乘露小桃妖春色常無處  
村醪更一瓢

輕颺

輕颺掠晚莎秋物慘關河戰壘平時少齋壇上  
處多楚雖屈子重漢亦憶廉頗不及雲臺議空

山老薜蘿

燕

不必嫌漂露何妨養羽毛漢妃金屋遠盧女杏  
梁高野迥雙飛急煙晴對語勞猶勝黃雀在棲  
息是蓬蒿

陝西晚思

長途已自窮此去更西東樹色榮衰裏人心往  
返中別情流水急歸夢故山空莫忘交遊分從  
來事一同

除夜寄張達

梅花已著眼竹葉況粘脣只此留殘歲那堪憶  
故人亂羅書不遠一作衰病日相親江浦思歸意  
明朝又一春

歸酬鄴王羅令公五首

江東集作感德敘懷寄  
上羅鄴王三首此二三也

營室東迴廕斥丘少年承襲擁青油坐調金鼎  
尊明主一作把瑯戈拜一作列侯書札二王爭巧拙  
篇章七子避風流西園舊跡今應在衰老無因  
奉勝游

脉散源分歷幾朝縱然官宦只卑僚正憂末派  
淪滄海忽見高枝拂絳霄十萬貔貅趨玉帳三

千賓客珥金貂良時難得吾宗少應念寒門更

寂寥

寄酬鄴王羅令公三首

敢將衰弱附強宗細筭還緣血脉同湘浦煙波  
無舊跡鄴都蘭菊有遺風每憐羅亂書猶達所  
恨雲泥路不通珍重珠璣兼繡段草玄堂下寄  
揚雄

水雲開霽立高亭依約黎陽對福星只見篇章  
矜鏤管不知勲業柱青冥早緣入夢金方礪晚  
為傳家鼎始銘鶴髮四垂煙閣遠此生何處  
拜儀形

錦笈珠囊連復連紫鸞飛下浙江邊  
綃從海室奪煙霧樂奏帝宮勝管絃  
長笑應劉悲顯達每嫌伊霍少詩篇  
戴灣老圃根基薄虛費工夫八十年

春日投錢塘元帥尚父二首

正憂衰老辱金臺敢望昭王顧問來  
門外旌旗屯豹虎壁間章句動風雷  
三都節已聯翩降兩地花應次第開  
若比紫髯分鼎足未聞餘力有瓊瓌

征東幕府十三州敢望非才忝上游  
官秩已叨

吳品臧姓名兼顯魯春秋鹽車顧後聲  
方重火片窺來焰始浮一句黃河千載事  
麥城王粲謾登樓

錢塘府亭

新恩別啟館娃宮還拜吳王向此中  
九牧土田周制在兩藩茅社漢儀同  
春生舊苑芳洲雨香入高臺小徑風  
更有寵光人未見問安調膳盡三公

野狐泉

在百丈山後昔懷誨禪師說法有老人來聽經曰墮落此山今大幸矣明日一老狐斃崖下○百丈

山在江西南

昌府奉新縣

滴滴寒光濺路塵相傳妖物此潛身又應改換  
皮毛後何處人間作好人

宿紀南驛

策蹇南游憶楚朝陰風浙浙樹蕭蕭不知無忌  
奸邪骨又作何山野葛苗

贈無相禪師

人人盡道事空王心裏忙於市井忙惟有馬當  
山上客死門生路兩相忘

遣興

青雲路不通歸計奈長蒙老恐醫方誤窮憂酒

酸空何堪羅亂後更入是非中長短遭譏笑迴  
頭避釣翁

江夏酬高崇節

臘雪都堂試春風汴水行十年雖抱疾何處不  
無情羣盜正當路此游應隔生勞君問流落山  
下已躬耕

鷺聲

井上梧桐暗花間霧露晞一枝晴復暖百轉是  
兼非金屋夢初覺玉關人未歸不堪閑日聽因  
爾又沾衣

做玉臺體

青樓枕路隅，僻處復椒塗。晚夢通簾柙，春寒逼酒罏。解吟憐芍藥，難見恨菖蒲。試問年多少，鄰姬亦姓胡。

甲乙集卷第七

丙辰正月穀日天津馬橋

甲乙集卷第八

餘杭羅隱昭諫

夜泊義興戲呈邑宰

溪畔維舟問戴星，此中三害有一作在圖經。長橋可避南山遠，却恐難防是最靈。

聽琵琶

香筵酒散思朝散，偶向梧桐暗處聞。大底曲中皆有恨，滿樓人自一作是不知君。

經耒陽杜工部墓

紫菊馨香覆楚醪，奠君江畔雨蕭騷。旅魂自是



才相累閑骨何妨塚更高  
駟喪來空蹇蹶芝蘭衰後長蓬蒿  
屈原宋玉鄰君處幾駕青螭緩鬱陶

建題袁溪張逸人所居

蒲梢獵獵鷺差差一作差池數里溪光日落時  
芳樹文君機上錦遠山孫壽鏡中眉  
雞窻夜靜開書卷魚檻春深展釣絲  
若使浮名拘絆得世間何處有男兒

昇平公主舊第

乘鳳仙人降此時玉篇纔罷到文詞  
兩輪冰磴

光明照百尺鮫綃換好詩帶礪山河今盡在風流  
罇俎見無期壇場客散香街暝惆悵齊竽取次吹

寄黔中王從事

故人刀筆事軍書南轉黔江半月餘別後鄉關情幾許  
近來詩酒興何如貪將醉袖矜鶯谷不把瑤緘附鯉魚  
今日舉觴君莫問生涯牢落鬢蕭疎

關亭春望

關畔春雲拂馬頭馬前春事共悠悠風搖一作欺岸

柳長條困露裊山花小朶愁信越功名高似狗  
裴王氣力大於牛未知至竟將何用渭水涇川  
一向流

寄徐濟進士

往年疎嬾共江湖月滿花香記得無霜歷楚蓮  
秋後折雨催蠻酒夜深酤紅塵偶別迷前事丹  
桂相賴愧後徒出得函關抽得手從來不及阮  
元瑜

寄韋贍

石城蓑笠阻心期落盡山花有所思羸馬二年

蓬轉後故人何處月明時風催曉雁一作燕看看別  
雨脅秋蠅漸漸癡禪智闌干市橋酒縱然相見  
只相悲

霅溪晚泊寄裴庶子

溪風如扇雨如絲閑步閑吟一作行柳惲詩杯酒疎  
狂一作非曩日野花狼藉似當時道窮謾有依劉感  
才急應無借寇期滿眼雲山莫相笑與君俱是  
受深知

送姚安之赴任秋浦

官罷春坊地象雷片帆高指貴池開五侯水暖

魚鱗去九子山晴雁叙來江夏黃童徒逞辯廣  
都龐令恐非才到頭稱意須年少贏得時光向  
酒杯

寄喬逸人

南經湘浦北揚州別後風帆幾度游春酒誰家  
禁爛熳野花何處最淹留欲憑尺素邊鴻嬾未  
定雕梁海燕愁長短此行須入手更饒君占一  
年秋

塞外

塞外偷兒塞內兵聖君宵旰望昇平碧幢未作

朝廷計白挺猶驅婦女行可使禦戎無上策只  
應憂國是虛聲漢王第宅秦田土今日將軍已  
自榮

裴庶子除太僕卿因賀

楚珪班序未爲輕莫惜良途副聖明宮省舊推  
皇甫謐寺曹今得夏侯嬰秩隨科第臨時貴官  
逐簪裾到處清應笑馬安虛巧宦四迴遷轉始  
爲卿

詠史

蠹簡遺編試一尋寂寥前事似如今徐陵筆硯

珊瑚架趙勝賓朋毒瑁簪未必片言資國計只  
應邪說動人心九原郝泚何由起虛誤西蕃八  
尺金

中元夜泊淮口

木葉迴飄

才調集  
作迴飄

水面平偶因

一作

孤棹已三更秋

涼霧露侵燈下夜靜魚龍逼岸行欹枕正牽題  
柱思隔樓誰轉遶梁聲錦帆天子狂魂魄應過  
揚州看月明

寄池州鄭負外

獸遶朱輪酒滿船郡城蕭洒貴池邊衣同菜子

曾分筆扇似袁宏別有天九點好山樓上客兩  
行高柳雨中煙陵陽百姓將何福祉舞村歌又  
一年

歸夢

陸海波濤漸漸深一迴歸夢抵千金路傍草色  
休多事牆外鶯聲肯有心日晚向隅悲斷梗夜  
闌澆酒哭知音貪財敗陣誰相悉鮑叔如今不  
可尋

送溪州使君

兵寇傷殘國力衰就中南土藉良醫鳳銜泥詔

辭丹闕鵬倚霜風上畫旗官職不須輕遠地生  
靈只是計臨時灞橋酒醖黔巫月從此江心兩  
所思

送雲川鄭員外

明時塞詔列分麾東擁朱輪出帝畿銅虎貴提  
天子印銀魚榮傍老萊衣歌聽茗塢春山暖詩  
詠蘋洲暮鳥飛知有掖垣南步在可能須待政  
成歸

酬寄右司李員外

當年憶見桂枝春自此清途未四旬左省望高

推健筆右曹官重得名人閑摘麗藻嫌秋興靜  
獵遺編笑過秦猶把隨和向泥滓應憐疎散任  
天真

蓮塘驛

蓮塘館東初日明蓮塘館西行人行隔林啼鳥  
似相應當路好花疑有情一夢不須追往事數  
杯猶可慰勞生莫言來去只如此君看鬢邊霜  
幾莖

甘露寺火後

六朝勝事已塵埃猶有閑人悵望來只道鬼神

能護物不知龍象自成灰  
犀慙水府渾非怪  
驚說吳宮未是災  
還識平泉故侯否  
一生蹤跡此

一作樓臺

春日登上元石頭故城

萬里傷心極目春  
東南王氣只逡巡  
野花相笑落滿地  
山鳥自驚啼傍人  
謾道城池須險阻  
可知豪傑亦埃塵  
太平寺主惟輕薄  
却把三公與賊臣

送宣武徐巡官

傲睨公卿二十年  
東來西去盡悠然  
白知關畔

元非馬玄覺壺中別有天  
漢帝詔啣應異日梁  
王風雪是初筵  
臨行不惜刀圭便  
愁殺長安買笑錢

冬暮寄裴郎中

曉髮星星入鏡宜  
早年容易近年悲  
敢言得事時將晚  
只恐酬恩日漸遲  
南國傾心應望速  
東堂開口欲從誰  
仙郎舊有黃金約  
瀝膽墮肝更禱祈

中元甲子以辛丑駕幸蜀四首

子儀不起渾瑊亡  
西幸誰人從武皇  
四海爲家

雖未遠九州多事竟難防已聞旰食思真將會  
待畋遊致假王應感兩朝巡狩跡綠槐端正驛  
荒涼

爪牙柱石兩俱銷一點渝塵九土搖敢恨甲兵  
為棄物所嗟流品誤清朝幾時睿筭殲張角何  
處愚人戴隗囂跪望巉一作峻山重啟告可能餘烈  
不勝妖

邪氣奔屯瑞氣移清平過盡到艱危縱饒犬豕  
迷常理不奈豺狼幸此時九廟有靈思李令三  
川悲憶恨張儀可憐一曲還京樂重對紅蕉教

蜀兒

白丁攘臂犯長安翠輦蒼黃路屈盤丹鳳有情

塵才調集外遠玉龍無跡才調集渡頭寒靜憐才調集

貴族謀身易危惜才調集文皇創業難不將不侯

何計是釣魚船上淚闌干此一首題才調集作偶懷

題潤州妙善前石羊傳云吳主孫權與蜀主劉備嘗此置會云

紫髯桑蓋此沉吟恨石猶存事可尋漢鼎未安  
聊把手楚醪雖滿肯同心英雄已往時難問苔  
蘚何知日漸深還有市鄜沽酒客雀喧鳩聚話  
蹄涔

登宛陵條風樓寄竇常侍

亂糴時節懶登臨試借條風半日吟只有遠山  
含煖律不知高閣動歸心溪喧晚棹千聲浪雲  
護寒郊數丈陰自笑疎慵似麋鹿也教臺上費  
黃金

臺城

晚雲陰映下空城六代纍纍夕照明玉井已乾  
龍不起金甌雖破虎曾爭亦知霸世才難得却  
是蒙塵事最平深谷作陵山作海茂弘流輩莫  
傷情

甘露寺看雪上周相公

篩寒灑白亂溟濛禱請功兼造化功光薄乍迷  
京口月影交初轉海門風細粘謝客衣裾上輕  
隋梁王酒醖中一種爲祥君看取半攘災沴半  
年豐

寄京闕陸郎中昆仲

柏臺蘭署四周旋賓榻何妨雁影連纔見玳簪  
歌細柳便知油幕勝紅蓮家從入洛聲名大跡  
爲依劉事分偏爭奈亂糴人漸少麥城新賦許  
誰傳



獨題雲英

鍾陵醉別十餘春重見雲英掌上身我未成名君未嫁可能俱是不如人

故都

江南江北兩風流一作迷津一拜侯至竟不如隋煬帝破家猶得到揚州

董仲舒

災變儒生不合聞謾將刀筆指乾坤偶然留得陰陽術閉却南門又北門

獻尚父大王

數年鐵甲定東甌夜度江山瞻斗牛今日朱方平殄後虎符龍節十三州

蜂

不論平地與山尖無限風光盡被占採得百花成蜜後為誰辛苦為誰甜

打村田簾二首

疊影重紋映畫堂玉鈎銀燭共燦煌會應得見神仙在休下真珠十二行

翡翠佳名世共稀玉堂一作高下巧相宜殷勤為囑織纖手捲上銀鈎莫放垂

甲乙集卷第八

是夜入都再舉此卷以此

兼二首

風聲送客驚辛苦為難話

不歸平地與山尖無別風光盡姪古斜野百芥

雜

平夜終就於韻噴十三限

殘平燈甲安東調亦更云山額半半今日未太

甲乙集卷第九

餘杭羅隱昭諫

送顧雲下第

行行杯酒莫辭頻怨歎勞歌兩未伸漢帝後宮  
猶識字楚王前殿更無人年深旅舍衣裳弊潮  
打村田活計貧百歲都來多幾日不堪相別又  
傷春

村橋

村橋酒旆月明樓偶逐漁舟繫葉舟莫學魯人  
疑海鳥須知莊叟惡犧牛心寒已分灰無焰事

往曾將水共流除却思量太平在肯拋疎散換  
公侯

送劉校書之新安寄吳常侍

野雲如火照行塵會績溪邊去問津才子省銜  
非幕客楚君科第是同人狂思下國千場醉病  
負東堂兩度春他日酒筵應見問鹿裘漁艇隔  
朱輪

官池秋夕

池邊月影閑婆娑池上醉來成短歌芙蓉一作抵  
死怨珠露蟋蟀苦口嫌金波往事向人言口不得

舊遊臨老恨空多松醪作酒蘭爲棹十載煙塵  
奈爾何

奉使宛陵別二三從事

梁王雪裏有深知偶別家鄉隔路岐官品共傳  
勝曩日酒杯爭肯忍當時豫章地暖矜千尺越  
嶠天寒愧一枝還有釣魚蓑笠在不堪風雨失  
歸期

金陵思古

杜秋在時花解言杜秋死後花更嬌柔姿曼態  
葬何處天紅膩白愁荒原高洞紫簫吹夢想小

窻殘雨溼精魂綺筵金縷無消息一陣征帆過  
海門

送王使君赴蘇臺

東南一望可長吁猶憶王孫領虎符兩地干戈  
連越絕數年麋鹿卧姑蘇疲甿賦重全家盡舊  
族兵侵大半無料得伍員兼旅寓不妨招取好  
椰榆

憶九華

九華巉崿廕柴扉長憶前時此息機黃菊倚風  
村酒熟綠蒲低雨釣魚歸干戈已是三年別塵

土那堪萬事違回首佳期恨多少夜闌霜露又  
霑衣

送裴饒歸會稽

金庭路指剡川隈珍重良朋自此來兩鬢不堪  
悲歲月一卮猶得話塵埃家通曩分心空在世  
逼橫流眼未開笑殺山陰雪中客等閑乘興又  
須回

送程尊師之晉陵

棟間雲出認行軒郊外陰陰夏木繁高道乍爲  
張翰侶使君兼是世龍孫溪含句曲清連底酒

貫餘杭淶滿罇莫見時危便乘興人來何處不  
桃源

吳門晚泊寄句曲道友

采香逕在人不留采香逕下停葉舟桃花李花  
鬪紅白山鳥水鳥自獻酬十萬梅銷空寸土三  
分孫策竟荒丘未知到了關身否笑殺雷平許  
遠遊

貴池曉望

稂莠叅天剪未平且乘孤櫂且行行計疎狡兔  
無三窟羈甚賔鴻欲一生合眼亦知非本意傷

心其奈是多情前溪好泊誰爲主昨夜沙禽占  
月明

寄崔慶孫

故人何處又留連月冷風高鏡水邊文陣解圍  
纔昨日醉鄉分袂已三年交情澹泊應長在俗  
態流離且勉旃還擬山陰一乘興雪寒難得渡  
江船

寄楊秘書

蕭蕭檐雪打窻聲因憶江東阮步兵兩信海潮  
書不達數峰稽嶺眼長明梅蘩幾處垂鞭看酒

好何人倚檻傾會待與君開秫甕滿船般載鏡  
中行

訓章處士見寄

中原甲馬未曾安今日逢君事萬端亂後幾回  
鄉夢隔別來何處路行難霜鱗共落三門浪雪  
鬢同歸七里灘何必新詩更相戲小樓吟罷暮  
天寒

送丁明府赴紫溪任

金徽玉軫肯踳踳偶滯良一作長途半月餘樓上酒  
闌梅折後馬前山好雪晴初樂公社在憐鄉樹

潘令花繇賀版輿縣譜莫辭留舊本異時量度  
更何如

寄前宣州竇常侍

往年西謁謝玄暉樽酒留歡醉始歸曲檻柳濃  
鶯未老小園花煖才調集作嫩一作艷蜨初飛噴香瑞獸金  
三尺舞雪佳人玉一圍今日亂羅尋不得滿蓑  
風雨釣魚磯

秦望山僧院

巉巖危岫倚滄洲聞說秦皇亦此遊霸主卷衣  
纔二世老僧傳錫已千秋陰崖水賴松楸直蘚

壁苔侵畫像愁各是病來俱未了莫將煩惱問  
湯休

送光祿崔卿赴闕

十年極目一作目斷望西轅此日殷勤聖主恩上國已  
留虞寄命中朝應聽范汪言官從府幕歸鄉寺  
路向干戈見禁門鵷侶寂寥曹署冷更堪嗚咽  
問田園

寄程尊師

鶴信雖然到五湖煙波迢遞路崎嶇玉書分薄  
花生眼金鼎功遲雪滿鬚一作顛三秀紫芝勞夢寐

一番紅槿恨朝晡未知朽敗凡間骨中授先生  
指教無

定遠樓

前年上將定妖氛曾築巖城駐大軍近日關防  
雖弛析舊時欄檻尚侵雲蠻兵績盛人皆伏坐  
石名高世共聞唯恐亂來良吏少不知誰解敘  
功勲

送程尊師東遊有寄

華蓋峯前擬卜耕主人無奈又閑行且憑鶴駕  
尋滄海又恐犀軒過赤城絳簡便應朝右弼紫

旄兼合見東卿勸君莫忘歸時節  
芝似螢光處處生

江亭別裴饒

行杯且待怨歌終多病憐君事事同  
衰鬢別來光景一作影裏故鄉歸去亂  
羅中乾坤執紼裂三分在  
井邑摧殘一半空日晚長亭問西使  
不堪車馬尚萍蓬

江南寄所知周僕射

曾陪公子醉西園峴首碑前事  
嬾言世亂共嗟王粲老時危  
俱受信陵恩潮憐把醖吟江徼  
雨憶凭闌望海門飛蓋寂寥清宴罷  
不知簪履更誰存

錢唐見芮逢

蔡倫池北雁峯前羅亂相兼十九年  
所喜故人猶會面不堪良牧已重泉  
醉思把筯歌歌席狂憶判身入酒船  
今日與君贏得在戴家灣裏兩  
皤然

江都

淮王高譙動江都曾憶狂生亦坐隅  
九里樓臺牽翡翠兩行鴛鴦踏真珠  
歌聽麗句秦雲咽詩



轉新題蜀錦鋪惆悵晉陽星拆後世間兵革地  
荒蕪

湖上歲暮感懷有寄友人

雪天螢席幾辛勤同志當時四五人  
蘭版地寒俱愛露桂堂風惡獨傷春  
音書久絕應埋玉編簡難言竟委塵  
唯有廣都龐令在白頭罇酒憶交親

送張綰游鍾陵

南憶龍沙兩岸行當時天下尚清平  
醉眠野寺花方落吟倚江樓月欲明  
老去亦知難重到亂

來爭肯不牽情西山十二真人在從此煩君語  
姓名

送晉光大師

師以草書應制

禹祠分首戴灣逢健筆尋知達九重  
聖主賜衣憐絕藝侍臣摘藻許高蹤  
寧親久別街西寺待詔初離海上峯  
一種苦心師得了不須回首笑龍鍾

息夫人廟

百雉摧殘連野青廟門猶見昔朝廷  
一生雖抱楚王恨千載終爲息地靈  
蟲網翠環終縹緲風

吹寶瑟助微冥玉顏渾似羞來客依舊無言照  
畫屏

漂母塚

寂寂荒墳一水濱蘆洲絕島自相親青娥已落  
淮邊月白骨甘爲泉下塵原上荻花飄素髮道  
傍菰葉碎羅巾雖然寂寞千秋魄猶是韓侯舊  
主人

感懷

石逕松軒亦自由謾隨浮世逐飄流駑駘路結  
前一作程恨蟋蟀牀生半夜秋揜耳惡聞宮妾語

低顏須向路人羞一作誰教小事相催逼未到青  
雲擬白頭

扇上畫牡丹

爲愛紅芳滿砌堦教人扇上畫將來葉隨彩筆  
參差長花逐輕風次第開閑挂幾曾停蛺蝶頻  
搖不怕落莓苔根生無地如仙桂疑是姮娥月  
裏栽

書懷

釣船拋却異鄉來擬向何門用不才日晚獨登  
樓上望馬蹄車轍滿塵埃

七夕

月帳星房次第開  
兩情惟恐曙光催  
時人不用穿鍼待  
沒得心情送巧來

柳

一簇青煙鎖玉樓  
半垂欄畔半垂溝  
明年更有新條在  
繞亂春風卒未休

羅敷水

雉聲角角野田春  
試駐征車問水濱  
數樹枯桑雖不語  
思量應合識秦人

京中正月七日立春

一二三四五六七  
萬物生芽一作是今日遠天歸  
雁拂雲飛近水遊  
魚迸冰出

貴游

館陶園外雨初晴  
繡轂香車入鳳城  
八尺家僮三尺箠  
何知高祖要蒼生

嚴陵灘

中都九鼎動一作動英髦漁釣牛蓑且遁  
逃世祖昇遐夫子死原陵不及釣臺高

甲乙集卷第九

甲乙集卷第十

餘杭羅隱昭諫

塘  
虛白堂前牡丹相傳云  
叔傅手植在錢

欲詢往事奈無言六十年來託此一作根香暖幾

飄素虎扇格高長對孔融樽曾憂世亂陰難合

且喜春殘色尚一作尚存莫背闌干便相笑與君俱

受主人恩

縣齋秋晚酬友人朱瓚見寄

中和節後捧瓊瑰坐讀行吟數月來只歎雕龍

方擅價不知頰尾竟空回千枝白露陶潛柳百  
尺黃金郭隗臺惆悵報君無玉案水天東望一  
徘徊

第五將軍于餘杭天柱宮一作入道因題寄

交梨火棗味何如聞說茗川已下一作庫瓦一作榼尚攜

京口酒草堂應寫潁陽書亦知得意猶乘鶴未

必忘機便釣魚却恐武皇還望祀一作軟輪徵入

問玄虛

寄無相禪師

老住西峯第幾層爲師回首憶南能有緣有想

應非佛無我無人始是僧爛樵作袍名復利鑠  
金爲講愛兼憎何如一衲塵埃外日日香煙夜  
夜燈

秋日有寄

丹青未合便回頭見盡人間事始休只有百神  
朝寶鏡永無纖浪犯虛舟曾臨鐵甕雖分臈近  
得金陵亦偶遊東去西來人不會上卿踪跡本  
玄洲

送前南昌崔令替任映攝新城縣

五年苛政甚蟲螟深喜夫君已一作戴星大族不

唯專禮樂上才終是惜生靈亦知單父琴猶在  
莫厭東歸酒未醒二月春風何處好亞夫營畔  
柳青青

下第作

年年模樣一般般何似東歸把釣竿  
岳谷謾勞思雨露彩雲終是逐鷓鴣  
塵迷魏闕身應老水到吳門葉欲殘  
至竟窮途一作多也須達不能長與  
世人看

丁亥歲作中元甲子

病想醫門渴望梅十年心地僅成灰  
早知世事

中元四字行

長如此自是孤寒不合來谷畔  
氣濃高蔽日蟄邊聲煖乍聞雷  
滿城桃李君看取一一還從舊  
處開

北邙山

一種山前路入秦嵩山堪愛此傷神  
魏明未死虛留意莊叟雖生酌滿巾  
何必更尋無主骨也知曾有弄權人  
羨他緱嶺吹簫客閑訪雲頭看俗塵

三衢哭孫負外

燕戀雕梁馬戀軒此心從此更何言  
直將塵外

三生命未敵君侯一日恩紅蠟有時還入夢片  
帆何處獨銷魂忍看明發衣襟上珠淚痕中見  
酒痕

送蘄州裴負外

六枝仙桂最先春蕭洒高辭九陌塵兩晉家聲  
須有主六朝文雅別無人榮驅豹尾拋同輩貴  
上螭頭見近臣蘄水蒼生莫相羨早看歸去掌  
絲綸

重九日廣陵道中

秋山抱病何處登前時韋曲今廣陵廣陵大醉  
不解悶韋曲舊遊堪拊膺佳節縱饒隨分過流  
年無奈得人憎却驅羸馬向前去牢落路岐非  
所能

東歸別所知

芙蓉宮闕二妃壇兩處因依五歲寒鄒律有風  
吹不變却枝無分住應難愁心似火還燒鬢別  
淚非珠謾落盤却羨淮南好雞犬也能終始逐  
劉安

旅舍書懷寄所知二首

思量前事不堪尋牢落餘情滿素琴四海豈無

騰躍路一家長有別離心道從汨沒甘雌伏跡  
恐因循更陸沉寂寂寞誰應弔空館異鄉時節獨  
沾襟

簾卷兩

一作

床琴瑟秋暫憑前計奈相尤

一作

塵飄

馬尾甘蓬轉酒憶江邊有夢

一作

隋帝舊祠雖

寂寞楚妃清唱亦風流可憐別恨無人見獨背  
殘陽下寺樓

此首江東集作秋思

### 西京道中

半夜秋聲觸斷蓬百年身事算成空  
禰生詞賦拋江夏漢祖精神憶沛中  
未必他時能富貴只

應從此見窮通邊禽隴水休相笑自有滄洲一  
棹風

### 粉

每持纖白助君時霜自無慘雪自疑郎若姓何  
應解傅女能窺宋不勞施粧成麗色唯花妬落  
盡啼痕只鏡知最好玉京仙署裏更和秋月照  
瓊枝

### 贈漁翁

葉艇悠揚鶴髮垂生涯空託一綸絲是非不向  
眼前起寒暑任從波上移風濤長歌籠月裏夢



和春雨晝眠時逍遙此意誰人會應有青山淥水知

下第寄張坤

謾費精神掉五侯破琴孤劍是身雙言九衢雙闕  
擬何去玉壘銅梁空舊遊蝴蝶有情牽晚夢杜  
鵲無賴伴春愁思量不及張公子經歲池江倚  
酒樓

東歸別常修

六載辛勤九陌中却尋歸路五湖東名慙桂苑  
一枝綠鱸憶松江兩筋紅浮世到頭須適性男

兒何必盡成功唯慙鮑叔深知我他日蒲帆百  
尺風

言

珪玷由來尚可磨似簧終日復如何成名成事  
皆因慎亡國亡家只爲多須信禍胎生利口莫  
將譏思逞懸河猩猩鸚鵡無端解長向人間被  
網羅

簡一作荀令生日

祥煙靄靄拂樓臺慶積一作績玄元節後來已向青  
陽標四序便從嵩嶽應三石龜銜玉柄增年筭

鶴舞瓊筵獻壽杯自顧下儒何以祝柱天功業  
濟時才

晚眺

凭古城邊眺晚晴遠村高樹轉分明天如鏡面  
都來靜地似人心總不平雲向嶺頭閑不徹水  
流溪裏太忙生誰人得及莊居老免被榮枯寵  
辱驚

野花

一作羅  
鄴詩

萬點紅芳血色殷爲無名字對空山多因戲蝶  
尋香佳少有行人輟權攀若在美門看不足爲

生江岸見如閑結根必竟輸桃李長向春城紫  
陌間

病驄馬

櫪上病驄蹄裏裏江邊廢宅路迢迢自經梅雨  
長垂耳乍食菰漿欲折腰金絡銜頭光未滅玉  
花毛色瘦來焦曾聽禁漏驚街鼓慣踏康莊怕  
小橋夜半雄聲心尚壯日中高卧尾還搖龍媒  
落地天池遠何事牽牛在碧霄

秋浦

晴川倚落暉極目思依依野色寒來淺人家亂

後稀久貧身不達多病意長違還有漁舟在時  
時夢裏歸

南康道中

弱冠負文翰此中聽鹿鳴使君延上榻時輩仰  
前程丹桂竟多故白雲空有情唯餘路旁淚沾  
洒向塵纓

北固亭東望寄默師

高亭暮色中往事更誰同水謾矜天闊山應到  
此窮病憐京口酒老怯海門風唯有言堪解何  
由見遠公

華清宮

樓殿層層佳氣多開元時節好笙歌也知道德  
勝堯舜爭奈楊妃解笑何

韓信廟

翦項移秦勢自雄布衣還是負深功寡妻稚女  
俱堪恨却一作把餘杯奠蒯通

韋公子

擊柱狂歌慘別顏百年人事夢魂間李將軍自  
嘉聲在不得封侯亦自一作閑

望思臺

一作孺  
天女子

芳草臺邊魂不歸野煙喬木弄殘暉可憐高祖  
清平業留與閑人作是非

帝幸蜀

馬嵬山色翠依依又見鑾輿幸蜀歸泉下阿蠻  
應有語這迴休更怨楊妃

王夷甫

把得閑書坐水濱讀來前事亦酸辛莫言麈尾  
清譚柄壞却淳風是此人

鷺鷥

斜陽澹澹柳陰陰風裏寒絲映水深不要向人

誇素白也知常有羨魚心

書淮陰侯傳

寒燈挑盡見遺塵試瀝椒漿合有神莫恨高阜  
不終始滅秦謀項是何人

青山廟

子胥廟

市簫聲咽跡崎嶇雪恥酬恩此丈夫霸主兩忘  
時亦異不知魂魄更歸無

小松

已有清陰逼座隅愛聲仙客肯過無陵遷谷變  
須高節莫向人間作大夫

竹

籬外清陰接藥闌曉一作晚風交戛碧琅玕子猷死

一作後知音少粉節霜筠謾歲寒

謾天嶺

西去休言蜀道難此中危峻已多端到頭未會

蒼蒼色爭得禁他兩度謾嶺有大漫天小漫天故云

甲乙集卷第十

甲乙集補遺

秋蟲賦 井序

秋蟲蜘蛛也致身網羅閒實腹亦網羅閒愚感其理有得喪因以言賦之

物之小兮迎網而斃物之大兮兼網而逝網也者繩其小而不繩其大吾不知爾身之危兮腹之餒兮吁

蟋蟀詩

頑颯斃芳吹愁夕長屑戍有動歌離弔夢如訴如言緒引虛寬周隙伺榻繁咽夤緣范睡蟬老

冠綦綉好不冠不綉爾奚以悲蚊蚋有毒食人  
肌肉蒼蠅多端黑白偷安爾也出處物兮莫累  
壞舍啼衰虛堂泣曙勿狗誼譁鼠豈無牙勿學  
萋菲垣亦有耳危條槁飛抽恨咿咿別帳缸冷  
柔魂不定美人在何夜影流波與子佇立徘徊  
思多

已上見唐文粹

### 西川與蔡十九同別子超

相歡雖則不多時相別那能不斂眉蜀客賦高  
君解愛楚宮腰細我還知百年恩愛無終始萬  
里因緣有夢思腸斷門前舊行處不堪全屬五

### 陵兒

#### 龍泉東下却寄孫負外

穀江東下幾多程每泊孤舟即有情山色已隨  
遊子遠水紋猶認主人清恩如海岳何時報恨  
似煙花觸處生百尺風帆兩行淚不堪回首望  
崢嶸

### 牡丹

與本集不同

艷多煙重欲開難紅藥當心一抹檀公子醉歸  
燈下見美人朝插鏡中看當庭始覺春風貴帶  
雨方知國色寒日晚更將何所似太真無力凭

闌干

已上見才調集

### 巫山高

下歷重泉上千仞香雲結夢西風緊縱有精靈  
得往來犹軛鼉軒亦顛隕嵐光雙雙雷隱隱愁  
為衣裳恨為鬢暮酒朝行何所之江邊日月情  
無盡珠零冷露丹墀楓細腰長臉愁滿宮人生  
對面猶異同況在千巖萬壑中

### 江南

江煙濕雨蛟綃軟漠漠連一作遠山眉黛淺水國多  
愁又有情夜槽歷酒銀船滿細絲搖柳凝曉空

吳王臺榭春夢中鴛鴦鷓鴣喚不起平鋪綠水  
眠東風西陵路邊月悄悄油碧輕車蘇小小一作

小嫁蘇

### 空城雀

雀入官倉中所食能損幾所恨往復頻官倉乃  
害爾魚網不在天鳥網不張水飲啄要自然何  
必空城裏

### 芳樹

細萼一作藥慢逐風暖香閑破鼻青帝固有心時時  
漏天一作動意去年高枝猶靡地今年低枝已顛顛

吾所以見造化之權變通之理春夏作頭秋冬  
爲尾循環反覆無終一作窮已人生長短同一軌若  
使威可以制力可以止則秦皇不肯斂手下沙  
丘孟賁不合低頭入蒿里伊人強猛猶如此顧  
我勞生何足恃但願我開素袍傾綠蟻陶陶兀  
兀大醉于清宵一作青冥白晝間任他上是天下是地  
聽琴

寒雨蕭蕭落井梧夜深何處怨啼鳥不知一盞  
臨卽酒救得相如渴病無

大梁見喬詡

湘水春浮岸淮燈夜滿橋六年悲梗斷兩地各  
萍漂刀筆依三事篇章奏弭貂跡卑甘汨沒名  
散稱逍遙好寺松爲徑空江桂作橈野香花伴  
落缸暖酒和燒晉沼尋遊鳳秦冠竟歎鴟骨凡  
鷄犬薄魂斷蕙蘭招悵望添燕瑄蹉跎厭魯瓢  
敗桐方委爨冤匣正冲霄戰代安釐國封崇孝  
景朝千年非有限一醉解無聊漏永燈花暗爐  
紅雪片銷久遊家共遠相對鬢俱凋運命從難  
合光陰奈不饒到頭蓑笠契兩信釣魚潮

寄洪正師



寄蹇渾成跡經年滯杜南價輕猶有二足別已  
過三雞肋曹公忿猪肝仲叔慙會應謀避地依  
約近禪菴

聖真觀劉真師院十韻

簾下嚴君十恣閒少室峯攝生門已盡混跡世

猶逢山藪師王烈簪纓友戴顓魚跳介象見三國吳書十

公卷注象字元則會稽人有仙術鱠飯吐葛玄蜂紫飽垂新椹黃輕隋

小松塵埃金谷路樓閣上陽鐘野為鳶肩寄仙

書鳥爪封支床龜縱老取箭鶴何慵別久曾牽

念閑來肯歷重尚餘青竹在試為剪一作誰為未成龍

寄聶尊師

欲芟荆棘種交梨指畫城中日恐遲安得紫青

磨鏡石與君閑處看榮衰

金山僧院

根盤蛟蜃路藤蘿四面無塵輟棹過得似吾師

始惆悵眼前終日有風波

酬高崇節

舊遊雖一夢別緒忽千般敗草湯陵晚衰槐楚

寺寒數竒常自愧時薄欲何干猶賴君相勉慙

懃貢禹冠

送汝州李中丞十二韻

羣盜方爲梗分符奏未寧黃巾攻郡邑白挺掠  
生靈塵土周畿暗瘡痍汝水腥一克雖剪滅數  
縣尚凋零理必資寬猛謀須藉典刑與能纜物  
論慎選忽天庭官品尊臺秩山河擁福星虎知  
應去境牛在肯全形舊政窮人瘼新衙展武經  
關防秋草白城壁晚峯青破膽期來復迷魂想  
待醒魯山行縣後聊爲奠惟馨

淮南送節度盧端公將命之汴州端公  
常爲汴州相公從事

吹臺高倚圃田東此去輶車事不同珠履舊叅  
蕭相國綵衣今佐晉司空醉離淮甸寒星下吟  
指梁園密雪中到彼的知宣室語幾時徵拜黑  
頭公

送盧端公歸臺盧校書之夏縣

綿綿隄草拂征輪龍虎俱辭楚水濱只見勝之  
爲御史不知梅福是仙人地推八米源流盛才  
笑三張事業貧一種西歸一般達柏臺霜冷夏  
城春

送朗州張負外

聖朝綸閣最延才，須牧生民始入來。  
鳳藻已期他日用，隼旗應是隔年迴。  
旗飄峴首嵐光重，酒奠湘江杜魄哀。  
腸斷秦原二三月，好花全爲使君開。

淮南送工部盧員外赴闕

始從豸角曳長裾，又吐鷄香奏玉除。  
隋邸舊僚推謝掾，漢廷高議得相如。  
貴分赤筆升蘭署，榮著緋衣從板輿。  
遥想到時秋欲盡，禁城涼冷露槐疎。

淮南送司勳李郎中赴闕

中朝品秩重文章，雙筆依前賜望郎。  
五夜星辰歸帝座，半年樽俎奉梁王。  
南都水煖蓮分影，北極天寒雁著行。  
不必戀恩多感激，過淮應合見徵黃。

送陸郎中赴闕

幕下留連兩月強，爐邊侍史舊焚香。  
不關雨露偏垂意，自是鴛鸞合著行。  
三署履聲通建禮，九霄星彩映明光。  
少瑜鏤管丘遲錦，從此西垣使鳳凰。

途中送人東遊有寄

離騷莫惜暫，逡巡君向池陽。我入秦，歲月易拋。  
非曩日酒盃，難得是同入路。經隋苑，橋燈夜江。  
轉臺城，岸草春。此處故交，誰見問。為言霜鬢，歷  
風塵。

過廢江寧縣

王昌齡曾尉此縣  
一作過江寧廢縣

縣前水色細鱗鱗，一為夫君弔水濱。漫把文章  
矜後代，可知榮貴是他人。鶯偷舊韻還成曲，草  
賴餘吟盡解春。我亦有心無處說，等閑停棹似  
迷津。

邊夜

光景漂如水流，生涯轉似萍。雁門窮朔路，牛斗故  
鄉星。書盡愁一作書  
罷愁誰切歌終淚，自零夜闌迴首。  
算何處，不長亭。

哭張博士太常

前輩倏云歿，媿君曾比方。格卑雖不稱，言重亦  
難忘。諫草猶青瑣，悲風已白楊。只應移理窟，泉  
下對真長。

淮口軍葬

一陣孤軍不復迴，更無分別只荒堆。莫言賦分  
須如此，曾作文皇赤子來。

燕昭王墓

戰國蒼茫難重尋  
此中踪跡想知音  
強停別騎山花曉  
欲弔遺魂野草深  
浮世近來輕駿骨  
高臺何處有黃金  
思量郭隗平生事  
不狗昭王是心

夜南金陵

一作夜泊江南

玉樹歌聲澤國春  
纍纍輜重憶亡陳  
垂衣端拱渾閑事  
忍把江山乞與人

江都

廢宮荒苑莫閑愁  
成敗終須要徹頭  
一種風流

一種死朝歌  
爭得似揚州

早登新安縣樓

關城樹色齊  
往事未全迷  
塞路真人氣  
封門壯士泥  
草濃延蝶舞  
花密教鶯啼  
若以鳴爲德  
鸞凰不及鷄

干越亭

楚水蕭蕭多病身  
強凭危檻送殘春  
高城自有陵兼谷  
流水那知越與秦  
岸下藤蘿陰作怪  
橋邊蛟蜃夜欺人  
琵琶洲遠江村闊  
迴首征途一作帆淚滿巾

南園題

搏擊路終迷南園且灌畦敢言逃俗態自是樂  
幽棲葉長春松闊科圓早薤齊雨沾虛檻冷雪  
歷遠山低竹好還成徑桃夭亦有蹊小窓奔野  
馬閑甕養醯鷄水石心逾切煙霄分已睽病憐  
王猛畚愚笑隗囂泥澤國潮平岸江村柳覆堤  
到頭乘興是誰手好提攜

人日新安道中見梅花

其年以徐冠停舉

長途酒醒臘天寒嫩蕊香英撲馬鞍不上壽陽  
公主面憐君開得却無端

許由廟

高挂風瓢濯漢濱土階三尺愧清塵可憐比屋  
堪封日若到人間是衆人

題段太尉廟

近甸蒙塵日南梁反正年飄流茂陵椀零落太  
官椽建纛非降楚披圖異錄燕堪嗟侍中血不  
及御衣前

湘妃廟

劉表荒碑斷水濱廟前幽草閉殘春已將怨淚  
流斑竹又感悲風入白蘋八族未來誰北拱四

克猶在莫南巡九峯相似堪疑處望見蒼梧不見人

八駿圖

穆滿當年物外程電腰風脚一何輕如今縱有  
驂騑在不得長鞭不肯行

庭花

昨日芳艷濃開罇幾同醉今朝風雨惡惆悵人  
生事南威病不起西子老兼至向晚寂無人相  
偎隋紅淚

病中題主人庭鶴

遼水菴亭舊所聞病中毛羽最憐君稻梁且足  
身兼健何必青雲與白雲

蟬

天地工夫一不遺與君聲調借君綉風棲露飽  
今如此應忘當年滓濁時

薛陽陶感策歌

平泉上相東征日曾爲陽陶歌感策烏江太守

會稽侯

平泉爲李德裕曾作薛陽陶感策歌蘇州刺史白居易  
易越州刺史元稹並有和篇此言烏江恐是吳江乃蘇州也

相次三篇皆俊逸喬山殯葬衣冠後金印蒼黃  
南去疾龍樓冷落夏寒從此風流爲廢物人

閒至藝難得主懷抱差池恨星律邗溝僕射戎  
政閑試渡瓜洲吐伊鬱西風九月草樹秋萬喧  
沉寂登高樓左一作老篁揭指徵羽吼煬帝起坐淮  
王愁高飄咽滅出滯氣下感知已時橫流穿空  
激遠不可遏髣髴似向伊水頭伊水林泉今已  
矣因取遺編認前事武宗皇帝御宇時四海恬  
然知所自掃除桀黠似提筭帶制歷羣豪若穿鼻  
九鼎調和各有門謝安空儉真兒戲功高近代  
竟誰知藝小似君猶不棄勿惜喑鳴更一吹與  
君共下難逢淚

酬丘光庭

正月十一日書札五月十六日到來柳吟秦望  
咫尺地鯉魚何處閑徘徊故人情意未疎索次  
第序述眉眼開上言二年隔煙水下有數幅真  
瓊瑰行吟坐讀口不倦瀑泉激射琅玕摧辟池  
蘭蕙日已老村酒蘸甲時幾盃鶴齡鴻筭不復  
見雨後蓑笠空莓苔自從黃寇擾中土人心波  
蕩猶未迴道殷合眼拜九列張濬掉舌升三台  
朝廷濟濟百揆序寧將對面容姦回禍生有基  
妖有漸翠華西幸蒙塵埃三川梗塞兩河閉大



明宮殿生蒿萊懦夫早歲不量力策蹇仰北高  
崔嵬千門萬戶扃鎖密良匠不肯雕散材君今  
得意尚如此況我麋鹿悠悠哉榮衰貴賤目所  
睹莫嫌頭白黃金臺

投宣武鄭尚書二十韻

漢代簪纓盛梁園雉堞雄物情須重德時論在  
明公族大踰開魏神高本降嵩世家惟蹇諤官  
業即清通翰苑論思外綸闈嘯傲中健豪驚綵  
鳳高步出冥鴻履歷雖吾道行藏必聖聰絳霄  
無繫滯浙水忽西京庾監高樓月袁郎滿扇風

四年將故事兩地有全功去去才須展行行道  
益隆避權辭憲署仗節出南宮雁影相承接龍  
圖共始終自然須作礪不必恨臨戎幕下蓮花  
盛竿頭碑佩紅騎兒逢郭伋碑士得文翁人地  
應無比簞瓢奈屢空因思一枝桂已作斷根蓬  
往事應歸捷勞歌且責躬殷勤信陵館今日自  
途窮

投浙東王大夫二十韻

越嶺千峯秀淮流一派長暫憑開物手來展濟  
時方舊跡蘭亭在高風桂樹香地清無等級天

闕任徊翔塵尾談何勝螭頭筆更狂直曾批鳳  
詔高已冠鶴行嘯傲辭民部雍容出帝鄉趙堯  
推印綬勾踐與封疆水占仙人吹城留御史床  
嘉兵鄒潤甫百姓賀知章席煖飛鸚鵡塵輕駐  
驕驕夜歌珠斷續晴舞雪悠揚化向棠陰布春  
隨棣萼芳盛名韜不得雄略晦彌彰自愧三冬  
學來窺數仞牆感深惟刻骨時去欲沾裳想望  
魚燒尾咨嗟鼠嚙腸可能因蹇拙便合老滄浪  
題柱心猶壯移山志未忘深慙百般病今日問  
醫王

寄剡縣主簿

金庭養真地珠篆會稽官境勝堪長往時危喜  
暫安洞連滄海闊山擁赤城寒他日拋塵土因  
君擬煉丹

已上見文苑英華

中秋不見月

風簾浙浙漏燈痕一半秋光此夕分天爲素娥  
嬌怨苦併教西北起浮雲

答

崑崙水色九般流飲即神仙憇即休敢恨守株  
曾失意始知緣木更難求鴿原謾欲均餘力鶴

髮那堪問舊遊  
遙望北辰當上國  
羨君歸棹五諸侯

早行

雨灑江聲風又吹  
扁舟正與睡相宜  
無端戍鼓催前去  
別却青山向曉時

咏白菊

雖被風霜競欲催  
皎然顏色不低摧  
已疑素手能粧出  
又似金錢未染來  
香散自宜飄渌酒  
葉交仍得蔭香苔  
尋思閉戶中宵見  
應認寒窓雪

一堆

已上見唐詩類苑  
丙辰正月朔日校畢

畢

羅隱詩補遺

江南別

去年今夜江南別  
鴛鴦翅冷飛蓬熱  
今年今夜江北邊  
鯉魚腸斷音書絕  
男兒心事無了時  
出門上馬不自知

贈宣武盧從事

前年帝里望一作行塵記得仙家第四人  
泉煖舊諳龍偃息  
露寒初見鶴精神  
歌聽上榻梁園晚  
夢遶殘鐘汜水春  
知有篋中編集在  
只應從此是經綸

髮那堪問舊游  
遙望北辰當上國  
羨君歸棹五諸侯

早行

雨灑江聲風又吹  
扁舟正與睡相宜  
無端戍鼓催前去  
別却青山向曉時

咏白菊

雖被風霜競欲催  
皎然顏色不低摧  
已疑素手能粧出  
又似金錢未染來  
香散自宜飄渌酒  
葉交仍得蔭香苔  
尋思閉戶中宵見  
應認寒窓雪

一堆

已上見唐詩類苑  
丙辰正月九日校畢

畢

羅隱詩補遺

江南別

去年今夜江南別  
鴛鴦翅冷飛蓬熱  
今年今夜江北邊  
鯉魚腸斷音書絕  
男兒心事無了時  
出門上馬不自知

贈宣武盧從事

前年帝里望一作行塵記得仙家第四人  
泉煖舊諳龍偃息  
露寒初見鶴精神  
歌聽上榻梁園晚  
夢遶殘鐘  
汜水春知有篋中  
編集在只應從此是經綸

中元夜看月

朦朧南溟月  
洶湧出雲濤  
下射長鯨眼  
遙分玉兔豪  
勢來斗牛動  
路越霄冥高  
竟夕瞻光彩  
昂頭把白醪

春風

也知有意吹噓切  
爭奈人間善惡分  
但是粃糠微細物  
等閒擡舉到青雲

杏花

暖氣潛催次第春  
梅花已謝杏花新  
半開半落閒園裏  
何異榮枯世上人

感弄猴人賜朱紱

十二三年就試期  
五湖煙月奈相違  
何如買取糊孫弄  
一笑君王便著緋

鎮海軍所貢

題不全

筵前飛雪扇前塵  
千里移添上苑春  
他日丁寧柿林院  
莫宣恩澤與閑人

席上歌水調

餘聲宛宛拂庭梅  
通濟渠邊去又回  
若使煬皇魂魄在  
為君應合過江來

竹下殘雪

牆下濃陰對此君  
小山尖險玉為羣  
夜來解凍風雖急  
不向寒城減一分

題新榜

隱在浙幕沈崧得新榜示之隱題其末云

黃土原邊狡兔肥  
矢如流電馬如飛  
灞陵老将無功業  
猶憶當時夜獵歸

耒陽

見杜工部集

楚水悠悠浸耒亭  
楚南天地兩無情  
忍教孫武重泉下  
不見詩人說用兵